

# Apocalipsis

---

## **Pũhrũguere I umũ dohpa waborore marire masicũ iimi Jesucristo, arĩ gojañumi Ñũ**

**1** <sup>1</sup> Ipũ mera Jesucristo ĩgu yarãre masicũ iirare were gojabeogu iiaa. Mari Pagũ Goãmũpũ irire weredoregu apipũ Jesucristore. ĩgu yarãre ĩgu pohro majarãre masicũ iidoregu apipũ. Eropĩgu pũhrũ waburire marire masicũ iidoregu apipũ Jesucristore. Eropĩgu Jesucristo marire eropa masicũ iibu ĩgu anyure obeodĩgu ářĩmi yũre Ñũre irire weredoregu. <sup>2</sup> Eropĩgu yũhũ Ñũ baja ĩamũhtabũ Goãmũ ĩgu dohpa iiburire. Goãmũ ĩgu werenĩguiri sãre peeabũ. Eropĩgu ářĩpehreri yũ ĩarare yũ peerare were gojabeogu iiaa. Jesucristo ĩgu basi ta diaye arĩrare were gojabeogu iiaa. <sup>3</sup> Ipũ mera pũhrũgue dohpa waburire were gojagu iiaa. Merogã dũhyaro iiaa iri ářĩpehrero eropa waboro. Eropirã ářĩpehrerã ipũre buherã, yũ wererire õaro yũhrirã õaro mucubirirã ářĩrãcoma.

## **Siete iglesia majarãre Jesu yarã gamenererãre gojabeopũ Ñũ**

<sup>4</sup> Yũhũ Ñũ mũare siete cururi majarãre Jesu yarãre Asia yeba majarãre gojabeoa. Goãmũ ĩgu mahiri mera mũare õadorea. Eropirã ĩgu itamuri mera õaro ářĩque mũa. ĩgu negohraguere eropa ářĩniguidĩgu ářĩñumi. Dohpague sãre eropa ta ářĩniguiimi. Pũhrũgue sãre eropa ta ářĩniguĩguĩcumi. Goãmũ ĩgu opũ doaro core Espĩritu Santo ãhrimi. Siete suburi maja turari ářĩpehreri opagu ãhrimi. ĩgu mera sãre yũ mũare õadorea daja. <sup>5</sup> Cristo ĩgu mahiri mera mũare õadorea daja. ĩgu Cristo Goãmũ yare gũyaro mariro weregu ãhrimi. Eropĩgu ĩgu sĩridĩgu ĩgu masa mũariadĩgu ne dipaturi sĩrisome ĩgu. ĩgu yarã waborore masa mũariamũhtadĩgu ãhrimi. Eropĩgu i yeba majarã ářĩpehrerã oparã tauro opũ ãhrimi ĩgu. Marire mahĩgu ĩgu di cóãra mera mari ñeri iirare cóãdi ářĩmi ĩgu. <sup>6</sup> Eropa cóãgu marire oparã wamorãre wacũ iidĩgu ářĩmi ĩgu. Eropĩgu marire pahia masare Goãmũre serẽbasarã wamorã sãre wacũ iidĩgu ářĩmi. Eropĩgu Goãmũ mari Pagũ yare iimorãre wacũ iidĩgu ářĩmi ĩgu eropa sĩřĩgu. ĩgu eropa iidĩguõre õaro werenĩguĩ umupearo gahmea ářĩpehrerĩnuri. Ářĩpehrerã tauro opũ eropa ářĩniguiimi ĩgu. Eropa ta ářĩporo.

<sup>7</sup>Ōaro pee masi coreque m̄ua. Imica cururi weca dijarigucumi Cristo. Īgu eropa aricū ĩarācoma árĭpehererã. Īgure crusague pabia wejĕnirã mura sã ĩarācoma. Eropirã ĩgu aricū ĩarã i yeba majarã árĭpehereri cururi majarã orerãcoma güirã. Eropa ta árĭporo.

<sup>8</sup>Ōpa arĭmi mari Op̄u Goãmu: “Yũhu árĭpehererire ĩhacũnugudigu ãhraa. Eropigu árĭpehererire pehrecũ iibu ãhraa, arĭmi. Iribojegue sãre eropa árĭnigum̄ribu. Dohpague sãre eropa ãhraa. Pũhrugue sãre árĭgura,” arĭmi Goãmu.

### Jesucristore goesirigure yu ĩhabu, arĭ werepu Ñũ

<sup>9</sup>Yũhu Ñũ m̄ua acaweregu Jesu yagu ãhraa. Eropigu m̄ua iro dopa ta yu sã Jesu ya árĭburire yu iira dipuwaja ñero taribu. Eropigu m̄ua iro dopa ta yure erã ñero iiquerecũ ĩgu itamuri mera Jesure cóãbiribu. Mari yujuro mera ĩgu Op̄u árĭro majarã árĭmorã ãhraa. Yaha yeba majarã erã cóãdigu árĭgu Patmo waĩc̄uri nũgurogue ãhraa. Goãmu yare Jesucristo ĩgu werera sãre gajirãre yu wereri dipuwaja õgue erã cóãbeodigu ãhraa. <sup>10</sup>Ohõ yujunũ soorinũ árĭcũ Espĩritu Santo yure quẽrogue ĩhmuami. Īgu eropa ĩhmucũ yu pũrũpũrũ bũrigã wereniguri busuro dopa carabu. Corneta turaro busuro dopa eropa ta busuro carabu ĩgu werenigucũ. <sup>11</sup>Ōpa arĭgu carami yu peecũ:

—Yũhu árĭpehererire ĩhacũnugudigu ãhraa. Eropigu yũhu árĭpehererire pehrecũ iibu ãhraa. Dohpague m̄u ĩaburire gojaripũgue goja aĩque. M̄u eropa goja aĩra pũhrũ siete cururi majarãre Goãmu yarãre obooque iripũre. Erã siete cururi majarã Asia yeba árĭri macari majarã ãhrima. Eropigu Efeso majarãre, Esmirna majarãre, Pérgamo majarãre, Tiatira majarãre, Sardis majarãre, Filadelfia majarãre, Laodicea majarãre m̄u ĩaburire gojabeoque, arĭgu carami yure.

<sup>12</sup>Īgu eroparĭcũ peegu majinũgajabu yure wereniguigure ĩabu. Eropa majinũgajagu siete sihãgori yucure erã duhpeora yucure oro mera erã iira yucure ĩhabu. <sup>13</sup>Iri yucu watope masu iro dopa bejagure ĩhabu yũhu. Īgu yoari suhriro sañagu ãhrami. Īgu guburigue dijimerejabu ĩgu suhriro. Eropigu oro mera erã iira gasiro mera ĩgu coretihbire tuãdiudigu ãhrami. <sup>14</sup>Eropiro ĩgu poari yaji poari iro dopa boreabu. Īgu cuipe peame porã iro dopa goseabu. <sup>15</sup>Īgu guburi bronze waĩc̄uri come timura come iro dopa goesiriabu. Eropiro ĩgu wereniguiri baja utã dipabu iro dopa busuro carabu. <sup>16</sup>Īgu mojoto diaye maja mojotopũ siete necã opãmi. Eropiro ĩgu disirore ñoserimiji pep̄uri usirimiji cuũuami. Eropiro abe um̄u majagu ĩgu cuimijuro dopa ĩgu diapo turaro goesiriami.

<sup>17</sup>Eropigu ĩgure ĩagu uca waha ĩgu guburi pohro mehmerejabu s̄irigu iro dopa. Yu eropa mehmerejacũ ĩagu ĩgu, ĩgu mojoto diayepũ mera yure duhpeo õpa arãmi:

—Ucabitã. Yu árĭpehererire ĩhacũnugudigu ãhraa. Eropigu árĭpehererire pehrecũ iibu ãhraa. <sup>18</sup>Ojocarinigugu ãhraa yũhu. S̄iridigu árĭribu. Dohpaguere ĩaque. Árĭpehererinuri eropa ojocarinigucã yũhu. S̄iridi dipaturi masagu dipaturi masare s̄iribiricũ iimasia yũhu. Eropigu masare peamegue wabiricũ iigu ãhraa yũhu. <sup>19</sup>Eropigu dohpague m̄u ĩarare gojaque.

Pũhrũgue eropa waboro sãre ãagũ gojaque. <sup>20</sup>Oã siete necãre yũ mojoto diayerũ oparãre weregura mũre. Eropigu siete sihãgori yucure erã duhpeora yucũ oro yucũ sãre weregura. Yũ õpa arĩ wererire iribojegue majarãre ne werebirimũribũ. Õpa ãhraa iri: Siete necã siete cururi majarã yaharã oparã árirã iro dopa ãhrima. Eropiro siete sihãgori yucure erã duhpeora yucũ siete cururi majarã yaharã iro dopa ãhrima, arãmi yũre Jesucristo.

### Efeso majarãre Jesu yarãre gojanũgadoreñumi Ñure

**2** <sup>1</sup>Eropa arĩtuhaja õpa arĩnemoami yũre gojadoregũ:  
 —Efeso majarã yaharãre, erã opũ sãre õpa yũ arĩrĩre arĩ gojabeoque mũhũ. Yũhũ mojoto diayerũ siete necãre opagũ ãhraa. Eropigu siete sihãgori yucũ watope curigũ ãhraa. Eropa curigũ árigũ mũare õpa arĩ werea: <sup>2</sup>Árĩpehleri mũa iirare masipehoa. Yaha árĩburire turaro mohmeabũ mũa. Yũre mũa umupeo duhubirabũ. Ñerire iirãre mũa ãdiabirabũ. Eropirã “Jesu buhedoregũ ãgũ apinirã ãhraa,” arĩmaacãnrãre queoro erã buhebiricũ ãarã, gũyarã erã árĩcũ masiabũ mũa. <sup>3</sup>Yahare mũa iira dipuwaja mũa ñero tariquererã erã gũyarãre tarinũgabũ mũa. Eropirã yũre ne duhubirabũ mũa. “Irire gariborea waca pare,” arĩbirabũ mũa. <sup>4</sup>Eropa mũa õarã árĩquererã ta yujuñere õaro iibea mũa. I ãhraa iri: Yũre õaro mũa mahimũhtadiro dopa dohpaguere iibea mũa. <sup>5</sup>Yũre mũa umupeomũhtarare guñaque mũraro ta daja. Dohpaguere mũa yũre umupeobiriqueyarire guñaque. Eropirã mũa irire mũa ñeri iirare bujawereque. Irire duhuque. Eropa duhurã yahare mũa iimũhtadiro dopa ta iique daja. Mũa ñeri iirare mũa duhubiricũ ãagũ, yujugũ mũa yagure sihãgodigure aĩ cóãgura. Eropa ãgũ mũa yuju curu majarãre cóãgura. Mũa ñeri iirare duhubiricũ mũa yaha curu majarã arĩnirãre duhupehrecũ ãgura. <sup>6</sup>Yũre umupeobiriqueyarã árĩquererã ta ire õaro iibũ mũa: Nicolaita yare buherãre ñerãre ãdiabeaa mũa. Yũ sã erãre ãdiabeaa. <sup>7</sup>Gamiricurã ãhraa mũa. Eropirã peeque. Mũare yaha curu majarãre Espĩritu Santo ãgũ wererare peeque mũa sã. Õpa arĩmi ãgũ: “Árĩpehleri Jesure umupeo duhubirãre Goãmũ ya pohe majagũ dũcare paraĩso majagũ dũcare badoregura. Irigũ dũca ojocaririre odigũ ãhraa,” arĩmi Espĩritu Santo, arĩ were gojabeoque Efeso majarã yaharãre erã opũ sãre, arãmi yũre Jesucristo.

### Esmirna majarãre Jesu yarãre gojabeodoreñumi Ñure

<sup>8</sup>—Esmirna majarã yaharãre erã opũ sãre õpa yũ arĩrĩre gojabeoque mũhũ, arãmi yũre Jesucristo. Yũhũ árĩpehlerire ãhacũnugudigũ ãhraa. Eropigu árĩpehleri pehrecũ iibu ãhraa. Sírĩa wabũ. Dipaturi ojocaria daja. Eropigu õpa arĩ werea mũare: <sup>9</sup>Mũa ñero tarirare masia. Mojomorocurã mũa árĩcũ sãre masia. Eropa mojomorocurã árĩquererã ta ãgũ wereniguirire peerã Goãmũ yare õarire wũaro opaa mũa. Gajirãpũ mũare ãhaturirã mũare erã ñero quere moarare masia. Erã “Gũa judio masa Goãmũ yarã ãhraa,” arĩquererã gũyarã iima. Erã Satanare umupeorã ãhrima. <sup>10</sup>Dohpaguere mũa ñero tariburire gũbiricãque. Peeque mũa. Watĩ mũare Goãmũre duhudoregũ yujurãyeri mũa

mera majarãre peresu iidoregucumi. Diez nuri gohra ñero tarirãca mua. Erã eropa ñero iicũ muare erã wejẽdiaquerecũ ta yure yaha sãre ne cóãbircãque. Mua yure eropa cóãbircũ ïagu áripehrerinuri muare ðaro áricũ iigura.

<sup>11</sup> Gamiricurã áhraa mua. Eropirã peeque. Muare yaha curu majarãre Espiritu Santo ïgu wererare peeque mua. Õpa arĩmi ïgu: “Áripehrerã Jesure umupeo duhubirã peameguere wasome,” arĩmi Espiritu Santo, arĩ gojabeoque Esmirna majarã yaharãre erã opu sãre, arãmi Jesucristo yure.

### **Pérgamo majarãre Jesu yarãre gojabeodoreñumi Ñure**

<sup>12</sup>—Pérgamo majarã yaharã erã opu sãre õpa yu arĩrire gojabeoque mũhu, arãmi yure Jesucristo. Yũhu ñoserimijire pepuri usirimijire opagu áhraa. Muare õpa arĩ weregura: <sup>13</sup> Mua árirore masia. Eroque mua ya maca majarã opu Satana áhrimi. Erã Satanare umupeoquerecũ mũapu yure umupeoa. Erã mua mera majagu mũgure Antipa mũgure yahare ðaro weredigũ mũgure wejẽma. ïgure erã wejẽcũ ïaquererã ta yure ne umupeo duhubirabu mua. <sup>14</sup> Mua eropa umupeo duhubiriquererã merogã yure tarinũgabũ mua. Yujurãyeri mua mera majarã Balaam ya buherire gahmema. Iribojegue majagu ïgu Balaam waicũgu õpa arĩmuriñumi Israe masare ïhaturirã erã opu: “Israe masare tarinũgadiagu õpa iique. Goãmarã wéanirãre mua orare barire badoreque erãre. Eropigu nome mera ñero iicũ iique erãre,” arĩ weremuriñumi Balaam gajirã opu Balaco waicũgure. Iribojegue ïgu eropa ñero iidoreldiro dopa ta dohpague sãre ñero iicũ iima yujurãyeri mua mera majarãre. <sup>15</sup> Eropirã erã iro dopa ta gajirã mua mera majarã Nicolaita buherire gahmema. Iri buheri sãre ïadiabeaa yũhu. <sup>16</sup> Eropirã mua iri ñeri iirire duhuque mua. Mua eropa duhubiricũ ïagu yojaro mera mua pohrogue wagu, eropa ñero iirã mera gamequeãgũca. Yũhu disirogue cuñurimiji ñoserimiji mera gamequeãgũca erã mera. <sup>17</sup> Gamiricurã áhraa mua. Eropirã mua ya curu majarãre yaharãre Espiritu Santo ïgu wererare peeque mua. Õpa arĩmi ïgu: “Áripehrerã Jesure umupeo duhubirãre mana waicuri barire umaro maja barire ogura. Utã boreriyeri sãre ogura erãre. Iri utãyeri mama waire yu gojaturayeri áriroca. Gajirã iri waire ne masisome. Iri utãyerire aĩrã dihta iri waire masirãcoma,” arĩmi Espiritu Santo, arĩ gojabeoque Pérgamo majarãre erã opu sãre, arãmi yure Jesucristo.

### **Tiatira majarã sãre Jesu yarãre gojabeodoreñumi Ñure**

<sup>18</sup>—Tiatira majarã yaharã erã opu sãre õpa yu arĩrire gojabeoque mũhu, arãmi daja yure Jesucristo. Yũhu Goãmũ magu yu cuiri peame porã iro dopa gosesirigu áhraa. Eropiro yu guburi bronce waicuri come erã timura iro dopa gosesiria. Muare õpa arĩ werea: <sup>19</sup> Mua iirare masia yũhu. Goãmũre masa sãre mua umupeorare, yure mua cóãbirirare, gajirãre mua itamurare, ñero tariquererã mua yure duhubirirare masia. Negohraguere mua iidiro tauro dohpaguepũre ðaro iinemorã iiaa mua. Iri sãre masia yũhu. <sup>20</sup> Mua eropa ðaro iirã áriquererã ta õpa yure tarinũgabũ mua: Jezabe waicũgo “Goãmũ yare werego áhraa,” arĩ

guyago mua watope ta áhrimo. Mũare igo ñero buhecũ peerã igore turibirabũ mua. Eropa gũya buhego yaharãre yu pohro majarãre nome mera ñero iicũ iimo. Eropigo goãmarã wéanirãre erã orare barire badoremo igo yaharãre. <sup>21</sup>Igo ñerire igo bujawereborore coreniribu. Yu eropa corequerecũ igo ñero iirire duhudiabiramo. <sup>22</sup>Eropirã yure peeque mua. Iгоре dorecucũ iigũra. Igo mera ñero iinirã sãre dorecucũ iigũra. Eropirã erã burigã ñero tarirãcoma. Eropa ta iigũca erãre igo mera erã ñero iirare erã bujawerebircũ, irire erã duhubircũ. <sup>23</sup>Eropigu igo porãre wejẽgũra. Yu eropa iicũ iarã áripehrerã yaharã yu ñero masirire masirãcoma. Masa erã pepiri sãre erã haribejari sãre masia. Yu eropa masicũ masirãcoma erã igore yu eropa dipuwaja moacũ. Áripehrerã mua ñerire iira dipuwaja, dipuwaja moagũra mũare. Eropigu mua õarire iira wajarũre ñero iigũra mũare. <sup>24</sup>Mua Tiatira majarã gajirã mua mera majarã igo ya buherire gamebirabũ. Mũarũ Satana ya buherire “Wũaro igũ masiri áhrra,” erã arĩrare gamebirabũ mua. Eropigu mũarũre gajino mua iiburire dorenemosome yũhũ. <sup>25</sup>Dorenemobiriqueregũ iñe dilhare dorea mũare: Mũa pohrogue yu dujariboro core yu buherire mua masirare ne merogã mera cãdijibircãque. <sup>26-27</sup>Áripehrerã ñerire tarinũganirãre, yu gamerire eropa iiniguirãre oparã árimorãre acugũra. Yu Pagũ igũ yure opu acudiro dopa ta mũare oparã acugũra yu sã. Áripehreri yeba majarã tauro árirã oparã árimorã acugũra mũare. Eropa oparã ñajarã, mua doca árirãre áripehreri yeba majarãre turaro dorerãca. Eropa turaro dorerã mũare tarinũganirã mata pehrea wacũ iirãca mua erãre. <sup>28</sup>Eropigu mũare yahare ne duhubirirãre boyomuridirure ogũra. Eropigu mua mera árigũca yũhũ. <sup>29</sup>Gamiricũrã áhrra mua. Eropirã mua ya curu majarãre yaharãre Espĩritu Santo igũ wererare peeque mua, arĩ gojabeoque Tiatira majarãre, arãmi yure Jesucristo.

### Sardis majarãre Jesu yarãre gojabeodoreñumi Ñure Jesucristo

**3** <sup>1</sup>—Sardis majarã yaharãre erã oparã sãre õpa yu arĩrare gojabeoque mũhũ, arãmi daja yure Jesucristo. Yũhũ igũ Espĩritu Santo siete suburi maja turarire opaa. Eropigu siete necãre opaa. Mũare õpa arĩ werea: Mũa iirare masia. Òpa arĩ pepirima mũare gajirã: “Erã Goãmũ yare ñero iipehorã áhrrima,” arĩ pepirima mũare. Erã eropa arĩ pepiquerecũ, Goãmũ yare ñero iibea mũarũ. <sup>2</sup>Eropirã mua iirare ñero guñaque mua. Goãmũ yare mua masirare ñero guñaque daja cãdijiro mariro. Goãmũ igũ iacũ ñero iipehobirabũ mua. <sup>3</sup>Eropirã yahare mua peemũhtarare mũraro ta ñero guñaque mua daja. Eropa guñarã yahare iique mua daja. Mũa ñeri iirare duhuque. Yu arĩro dopa mua iibircũ guñaña mariro mũare dipuwaja moagũra. Yajari masũ igũ guñaña mariro igũ yajagũ ñajaro dopa ta mũare guñaña mariro dipuwaja moagũ arigũca. <sup>4</sup>Yujurãyeri mua mera majarã Sardis majarã ñero erã iirire ihacũbeama. Eropa õarã árirã, boreri suhriro sañarã yu mera curirãcoma. <sup>5</sup>Áripehrerã yahare duhubirã eropa ta boreri suhri sañarã áriniguirãcoma. Eropirã yu mera eropa árinigumorã erã waĩre yu gojatupũgue erã sã erã waĩre gojatunirã árirãcoma. Erã erã waĩre yu gojaturare coesome yũhũ. Yu Pagũ igũ ihabeorogue, anyua sã erã ihabeorogue, “Yaharã

âhrima,” arî weregûca erãre. <sup>6</sup>Gamiricurã âhraa mua. Eropirã mua ya cururi majarãre yaharãre Espiritu Santo igu wererare peeque mua, arî gojabeoque Sardis majarãre yaharãre erã opu sãre, arãmi yure Jesucristo.

### Filadelfia majarãre Jesu yarãre gojabeodoreñumi Ñure

7—Filadelfia majarã yaharã erã opu sãre ôpa yu arîrire arî gojabeoque mûhu, arãmi daja yure Jesucristo. Yuhu ñeri marigu âhraa. Diaye maja weregu âhraa. Davi muru iribojegue majagu opu masare igu dorediro dopa ta turari mera doregura yu sã. Iri turari mera iidorecû ne gajirã irire cãhmotamasibeama. Yu iidorebircû ne gajirã irire iimasibeama. <sup>8</sup>Árîpehreri mua iirire masia yuhu. Guñaturabirinãrãrã árîquererã ta yaha buherire ôaro peeabu mua. Yure waïpeo duhubirabu mua erã muare ñero iidiaquerecû ta. Eropigu yahare iimorã apiabu muare. Eropirã yu dorerire mua iicû gajirã cãhmotamasibeama muare. <sup>9</sup>Gajirã mua pohro árîrã “Gua judio masa Goãm yurã âhraa,” arîquererã ta gûyarã âhrima. Goãm yurã árîbeama. Satanare umupeorã âhrima. Eropigu erãpãre mua core mereja muare erã umupeocû iigura erãre. Yu eropiicû iarã yu muare mahirire masirãcoma erã. <sup>10</sup>Muare yahare yu duhudorebircû peerã ôaro yuhriabu mua yure. Mua eropa iicû iagu i yeba majarã árîpehrerã erã ñero tariburisubu árîcû muare ihadibugura. Irisubu árîpehrerã erã ñero tariburisubu árîroca. <sup>11</sup>Merogã duhyaa i yebague yu dujariboro. Yahare mua masirare cãdijibircãque. Eropirã yure eropa yuhriniguicãque mua wajataborore dedeori arîrã. <sup>12</sup>Eropigu yahare duhubirãre yu Pagu ya wihi majarã apigura erãre. Igu ya wihi maja borari iro dopa árîcû apigura erãre. Eropirã Goãm mera majarã eropa árîniguirãcoma. Eropirã Goãm yu Pagu yarã waïcürã, igu ya maca majarã waïcürã sã árîrãcoma. Igu ya maca mama maca Jerusalén árîroca. Iri maca umarogue Goãm pohrogue dijariri maca árîroca. Yu waï sãre mama waï opaguca. Iri waï sãre waïcürãcoma yaharã. <sup>13</sup>Gamiricurã âhraa mua. Eropirã mua ya cururi majarãre, yaharãre Espiritu Santo igu wererare peeque mua, arî gojabeoque Filadelfia majarãre yaharãre erã opu sãre, arãmi yure Jesucristo.

### Laodicea majarãre Jesu yarãre gojabeodoreñumi Ñure Jesucristo

14—Laodicea majarãre yaharã erã opu sãre ôpa yu arîrire gojabeoque mûhu, arãmi daja yure Jesucristo. Yu arîro dopa ta iigu âhraa yuhu. Eropigu gûyaro mariro yu iarare eropa wereniguigu âhraa. Árîpehrerire mari Pagu igu ihacûnugurare iibasagu âhraa yuhu. <sup>15</sup>Árîpehreri mua iirare masia yuhu. Mua “Jesu yarã âhraa gua,” arîquererã yure merogã umupeoa. Yure mua merogã umupeorã mua árîcû yuhu gamebeaa muare. Mua “Jesure umupeobea gua,” arîbeaa mua. “Jesure umupeorã âhraa gua,” arîquererã ta yure ôaro umupeobea. Mua yure umupeodiaro dopa ta yure wûaro umupeocû ôaboaya. <sup>16</sup>Mua eropa yure ôaro umupeobircû iagu muare gamebirigohracãgura. <sup>17</sup>Eropirã ôpa arî pepiraa mua: “Árîpehrerire opaa. Ne gajino duhyabeaa guare,” arî pepiraa mua. Eropa arîquererã mojomorocurã iro dopa ta âhraa mua yu ñacû. Duhyataria

mũare. Eropirã ne moonijarã, suhri marirã, cuiiri ihajabirã iro dopa ãhraa mua yu ãacũ. Mũare dũhyarire masibea mua. <sup>18</sup>Mua eropa masibirã áricũ ãagu õpa arĩ weregura mũare: Mũare dũhyarire masique. Eropirã yure serẽque. Oro gohrare mua asũro dopa ta õarire yu oparire yũpũre aĩque mua. Mũare yure õaro umupeocũ iigura. Eropirã diaye ta Goãmu ya mera wũaro oparãca mua. Eropirã yu sũrira mera mua ñero iirare cõãnirã árique mua. Eropirã suhri sañarã erã gũhyasĩriero dopa ta mua ñeri iirare cõãnirã õarire iimorã árirã gũhyasĩrisome mua. Eropirã mua cuiiri oocura pũhrũ õaro mũare deyoro dopa ta Goãmu yare õaro peeque mua õaro masiboro dopa. <sup>19</sup>Árĩpehrerã yu mahirãre erã ñero iirare werea. Eropigu yu mahirãre dipuwaja moaa gajisubũ erãre itamubu. Eropirã yũpũre turaro gameque. Eropirã mua ñerire bũjawere duhuque. <sup>20</sup>Peeque yure. Mua wirire bihara wirire yu ejanugaja ñajadiabodiro dopa ta mua mera áridiagu coregu iiaa. Yu eropa áridiacũ peerã yure mua mera árdoreque. Yaharã árique. Mua eropa árdorecũ mua mera árigura. Eropigu mari sihu baro dopa ta mua mera õaro árigura. Eropirã yu mera õaro árirãca mua. <sup>21</sup>Ñerire yu tarinugara pũhrũ yu Pagu opu ãgu doaro pohro doaa yu sã dorebu. Eropã ta mua sã ñerire mua tarinugara pũhrũ yu opu doaro pohro doarãca doremorã. Mũare yu pohro doacũ iigura. <sup>22</sup>Gamiricurã ãhraa mua. Eropirã mua ya cururi majarãre yaharãre Espĩritu Santo ãgu wererare peeque mua, arĩ gojabeoque Laodicea majarãre yaharã erã opu sãre, arãmi Jesucristo yure.

#### Umarogue Goãmũre erã mereja umupeorare ãapu Ñu

**4** <sup>1</sup>Yure ãgu eropa arĩ werera pũhrũ umũsiguere pãgũra disiporore ãhabũ. Dipaturi corneta turaro busũro watope turaro wereniguiiri busũro carabũ yu peecũ. Opa arĩro carabũ yure:

—Ógue mũarĩrique. I yu wereburi pũhrũguere waroca. Eropã waborore mũre ãhmugura. Yu arĩdiro dopa ta eropa waroca, arĩro carabũ umarogue.

<sup>2</sup>Ãgu eropa arĩ werecũ ta erogue mũrijagu Espĩritu Santo ãgu turari mera ãagu ãhabũ. Eropigu opu doarore umarogue ãhabũ. Ero yujugu doãmi. <sup>3</sup>Eropigu õaro gosesirigu doãmi. Jaspe waĩcũri utãye gosesiriro dopa ta, cornalina waĩcũri utãye gosesiriro dopa ta õaro gosesirigu doãmi ãgu. Eropigu õaro gosesiriri bero esmeralda iro dopa gosesiriri bero pohecague doãmi ãgu. <sup>4</sup>Eropigu ãgu doaro tũrore yuju bero ãhabũ oparã doari berorire. Veinticuatro gohra ãhrabũ. Iri oparã doarire veinticuatro gohra Jesu yarã oparã doãma. Boreri suhricurã ãhrama. Eropirã oparã erã peyari berorire oro berorire peyanirã ãhrama erã. <sup>5</sup>Doariñe yu ãamũhtarañegue miamaabũ. Eropiro gajiropa wereniguiiri busũro carabũ. Bupu sã busũgu carami. Iri doaro core siete sihãgori yucũ ãhrabũ. Iri siete sihãgori yucũ Espĩritu Santo ãgu siete suburi maja turari opari iro dopa ãhrabũ. <sup>6</sup>Eropiro ãgu doaro core wũariya ãhrabũ. Vidrio iro dopa áriiya ãhrabũ. Óaro deco sũriiya ãhrabũ. ãgu doaro pohro wapicurã gajiropa bejarã ãhrama. Ojocarirã ãhrama. Erã diaporire erã pũrũpũrũre baja cuiricurã ãhrama. <sup>7</sup>Yu ãamũhtadigu

gajiropa bejagu yee diagu iro dopa bejagu aħrami. Īgu pħru arĭgu wecu iro dopa bejagu aħrami. Erã pħru arĭgu masu diapo iro dopa diapocugu aħrami. Erã urerã pħru arĭgu gaa ĩgu quẽ dũpũre sãegu iro dopa aħrami. <sup>8</sup>Erã wapicurã nucũ seis quẽ dũpũricurã aħrama. Eropiro erã quẽ dũpũri pepũrigue ta baja cuiricuri quẽ dũpũri aħrabũ. Eropirã umũri nucũ, ñamiri nucũ eropa bayaniguirã iama. Ne baya duhubirama. Ōpa arĭ bayãma:

Ōagu, ōagu, ōagu Goãmũ mari Opũ turatariagu aħrimi. Īgu iribojegue eropa ta arĭniguicãpũ. Dohpague sãre eropa ta arĭniguimi.

Pħrũgue sãre eropa arĭniguicãgũcumĩ, arĭ bayaniguirã iama.

<sup>9</sup>Eropa bayarã erã wapicurã gajiropa bejarã ĩgu turarire bayarã iama. Eropirã ĩgũre arĭpħrerinũri arĭniguigũre “Ōhaa,” arĭrã umupearã iama. <sup>10</sup>Erã eropa baya umupearã ĩarã veinticuatro Jesu yarã oparãpũ opũ doaro core mereja, ĩgũre umupearã. Īgu arĭpħrerinũri arĭniguigũ aħrimi. Eropa umupearã erã oparã erã peyari berorire ĩgu doaro core mehpearã. Eropa mehpearã ōpa arãma erã:

<sup>11</sup>Mũhũ Goãmũ gua opũ gohra aħraa. Turagu ōagu aħraa mũhũ. Mũhũ gua umupearã arĭgu ta iia. Mũre eropa umupearã gahmea gũare. Arĭpħrerire ĩhacũnugudigu aħraa mũhũ. Mũ gamediro dopa ta iri arĭpħrerire ĩhacũnuguyoro mũhũ, arãma erã Goãmũre ero doagũre.

### Gojarapũ tũrara tũrure cordero sãre werepũ Ñũ

**5** <sup>1</sup>Pħru ero doadigu ĩgu mojoto diayerũ ĩgu oparipũre gojarapũre ĩhabũ. Iripũ pepũri ĩgu gojarapũ ĩgu tũrara tũru aħrabũ. Eropiro siete suburi pihañari mera ĩgu pihañara tũru aħrabũ. <sup>2</sup>Eropigu turagu anyure ĩhabũ. Īgu turaro wereniguirĩ mera ōpa arĭ wereami:

—I tũrure pihañarare ōagu dihta pãñamasimi. ¿Nihipũ aħriri iripũre pãbu? arãmi ĩgu anyu.

<sup>3</sup>Eropa arĭqueregũ ta iri tũrure pãñabure bocabirami. Eropa ōagũre bocabirami. Ūmarogue i yebague ojocarirã watope, sĭrinirã watope ne iri tũrure pãñabu marami. Eropigu iri tũru majare buhebu marami. <sup>4</sup>Eropigu iripũre pãñabodigũre erã bocabiricũ ĩagu turaro oreabu yũpũ. <sup>5</sup>Yũ eropa orecũ ĩagu yujugũ erã Jesu yarã oparã mera majagu ōpa arãmi yũre:

—Orebiricãque. Iri tũrure ñearire yujugũ pãñamasimi. Īgu Juda ya curu majagu turagu aħrimi. Īgu opũ Davi pãrami arĭturiagu aħrimi. Watũre tarinũgadigu aħrimi ĩgu. Eropigu ĩgu iri tũrure siete ñearire pãmasigu aħrimi, arãmi ĩgu yũre.

<sup>6</sup>Īgu eroparicũ peegũ opũ ĩgu doaro core Cordero ĩgu niguiicũ ĩhabũ.

Wapicurã gajiropa bejarã, Jesu yarã oparã sã erã watope niguiami ĩgu Cordero. Īgu eropa niguiqueregũ ĩgu masa erã wejẽdigũ mũrũ dopa dehyoami. Siete cusaricũgũ, siete cuiricũgũ aħrami. Iri siete cuiri ĩgu Espĩritu Santo ĩgu siete suburi maja turari aħrabũ ĩgu arĭpħrero ĩhamasiburi. Espĩritu Santo arĭpħrero i yebaguere Goãmũ ĩgu obeodigu aħrimi. <sup>7</sup>Eropigu Corderopũ opũ doaro pohrogue ejagu, ero doagũre ĩgũre ĩgu diayerũ opara tũrure tũaweã aĩami. <sup>8</sup>Īgu eropa tũaweã aĩcũ ĩarã wapicurã gajiropa bejarã, veinticuatro Jesu yarã oparã



sã Cordero core mereja ãgure umupeoama. Erã Jesu yarã oparã árípehrerã arpa waïcuri buamutêrire opáma. Oropari sãre opáma. Iripari incienso ujuturiripari dihta áhrabu. Iri incienso Goãmu yarã ãgure erã serêra áhrabu. <sup>9-10</sup>Eropa ãgure umupeorã ôpa arí mama bayarire bayáma erã Corderore:

Erã wejêdigu muhu áhraa. Eropigu mu ya di mera masa ñeri iirare coeabu muhu Goãmu yarã erã áríboro dopa. Eropigu masare árípehreri cururi majarãre yujurãyerire, árípehrerã yare wereniguirãre, árípehreri yeba majarãre erã ñero iirare wajayebasabu. Eropa iigu erãre oparã árimorã, pahia masare Goãmure serêbasarã árimorã sã áricũ iibabu. Eropigu i yeba majarã weca oparã árimorã acubu muhu guare. Eropa iigu áridigu iri tũrure aĩ pãñamasibu áhraa muhu, arí bayáma erã Corderore.

<sup>11</sup>Yu ãagu daja bajarãre millones anyua majarãre íhabu. Opu doarore, wapicurã gajiropa bejarãre, veinticuatro Jesu yarã oparãre anyuapu erãre gãhrisianugajáma. Erã anyua majarã turaro mera erã bayacũ íhabu. <sup>12</sup>Ôpa arí turaro bayapeoama erã:

Cordero, muhu erã wejêdigu árigu árípehrerãre doremasibu, árípehrerire opamasibu áhraa. Eropigu masipehogu, turatariagu áhraa muhu. Muropa erã árigu áhraa masa erã ñerire erã iira dipuwaja erã wejêdigu. Eropirã gu mure umupeorãca. “Ôtariagu áhrimi,” arírãca mure. Mure ôaro wereniguirãca, arí bayáma anyua majarã.

<sup>13</sup>Eropigu gajirã erã bayacũ peeabu. Árípehrerã i yeba majarã, umaro majarã sã, ojocarirã, sirinirã, wariya majarã sã, árípehrerogue arírã ôpa arí bayarã carama:

Goãmure igu doarogue doagure, Cordero sãre ôaro wereniguirãca.

Muare umupeorãca. “Ôatariarã áhrima. Turatariarã áhrima,” arírã árípehrerinuri eropa arínigucãrãca muare, arí bayapeorã carama.

<sup>14</sup>Eropirã erã wapicurã gajiropa bejarã erã eropa arí bayacũ peerã “Eropa ta arí bayaporo,” arãma. Eropirã Jesu yarã oparãre mereja Goãmure, Cordero sãre umupeoama.

**Papera tũrure ãgu aĩra tũrure pihañarare pãmi Cordero, arí werepu Ñu**

**6** <sup>1</sup>Pũru papera tũrure ãgu aĩgãra tũrure Cordero pihañamũhtarañere pãmi. ãgu eropa pãcũ íhabu. ãgu eropa pãra pũru yujugu gajiropa bejarã mera majagu “ãgu arique,” arãmi. Eropa arígu bupu busuro dopa ta wereniguiami. <sup>2</sup>ãgu eropa aríra pũru íhabu yuhu. Boregu cabayure íhabu. ãgu weca peyagu buiri berore opámi. ãgure opu peyari berore ohami gajiguru. ãgu eropa ora pũru ãgu ãgure íhaturirãre tarinugagu wahámi.

<sup>3</sup>Pũru yujuñe pihañarañere pãtuhaja Cordero gajine pihañarañere pãmi daja. ãgu eropa pãra pũru gajigu gajiropa bejarã mera majagu “ãgu arique,” ãgu aricũ peeabu daja. <sup>4</sup>Eropigu gajigu cabayure diagure íhabu daja. ãgu weca peyagure turarire ohami gajiguru. I yeba majarãre erã basi gamewejêcũ iibure apiami ãgure. Eropirã árípehrero majarã gamewejêrãcoma i yebague. Eropigu wuarimiji ñoserimijire ohami ãgure.

<sup>5</sup>Pũhrũ peñere pãtuhaja Cordero gajĩnere pãmi daja. Eropigu gajigu gajiropa bejarã mera majagu ĩgu sã “Īagu arique,” aricũ peeabu daja. Īgu eropa arĩra pũhrũ cabayu ñigure ĩhabũ. Īgu weca peyagu nũcũri queorĩnere opãmi. <sup>6</sup>Īgũre yũ ĩara pũhrũ gajiropa bejarã watope õpa busũro carabũ:

—Trigo cebada sã pehrea waroca. Eropiro iri waja pagari áriroca. Eropirã yujunũ mohmeri waja mera trigore yuju kilo ta asũrãcoma. Yujunũ mohmeri waja mera cebada yerire uñre kilo ta asũrãcoma. Bari moari uñũrũ, vino sã baja áricãniroca, arĩro carabũ.

<sup>7</sup>Pũhrũ uñreñere pãtuhaja Cordero gajĩnere pãmi daja. Īgu eropa pãra pũhrũ gajigu gajiropa bejarã mera majagu áritugu ĩgu sã “Īagu arique,” ĩgu aricũ peeabu daja. <sup>8</sup>Īgu eroparicũ peegu borewijigu cabayure ĩhabũ. Īgu weca peyagu sĩririñe waĩcuami. Eropigu ĩgu pũhrũ arigu peame waĩcuami. Eropigu erãre cabayua weca peyarãre turarire ohami corderopũ. Wapicũrã masa áricũ yujugũ erã mera majagũre wejẽdoreami. Eropa ta áripehrero i yebagũre yujurãyeri masare wejẽdoreami. Gamewejeri mera, oaboari mera, dorecũri mera, waimurã nũgũri majarã guarã mera, yujurãyeri masare erã wejẽburire apiami erã perãre.

<sup>9</sup>Pũhrũ wapicũriñere pãtuhaja gajĩnere pãmi daja Cordero. Īgu eropa pãcũ Goãmũre umupeoburi mesa doca Jesu yarãre erã wejẽnirãre erã siporãrĩre ĩhabũ. Goãmũ yare erã werera dipuwaja, “Jesu yarã aħraa,” arĩ erã werera dipuwaja gajirã erã wejẽnirã aħrama. <sup>10</sup>Erã gaguiniguirã õpa Goãmũre erã aricũ peeabu:

—Mũhũ gũa Opũ ñeri marigu, gũyaro mariro mũ arĩro dopa ta iigu aħraa mũhũ. ¿Eropigu i yeba majarãre gũare wejẽnirãre dohpãricũ dipuwaja moagũcũri mũhũ erãre? arĩ gaguiniguiama erã.

<sup>11</sup>Eropigu erãre boreri suhri yoari suhrire ohami. Erãre eropa ogũ õpa arãmi erãre:

—Soonique dohpa. Gajirã mũa acawererã Jesu yarã mũa iidiro dopa ta dohpague sãre õari buherire buhenirã iima masare. Mũare wejẽdiro dopa ta erã sãre erã wejẽpehoboro duhyaa dohpa. Eropirã erãre áripehrerãre erã wejẽboro core merogã corenique mũa, arãmi erãre.

<sup>12</sup>Pũhrũ cinco ñearire pãtuhaja Cordero gajĩne ñeariñere pãcũ ĩhabũ daja. Iriñere ĩgu pãcũ ta, turaro yeba ñohmeabũ. Eropigu umũ majagu abe ñigu gũhyaro wahãmi. Ñiriñe suhriro iro dopa ta bejagu ĩgu gũhyaro wahãmi. Eropigu abe ñami majagu di iro dopa ta diagu gũhyaro wahãmi. <sup>13</sup>Eropirã necã yebague yuhridija wahãma. Yucũgu dũcare miruñe weãburiboro dopa ta necã yuhridija wahãma. <sup>14</sup>Eropiro umũsi dederea wahabũ. Paperapũre mari tũrabeo dedeodiro dopa ta dederea wahabũ umũsi. Eropiro áripehreri utã yucũ sã áripehreri nũgũrori sã gajipũgue ejanũgaja waha wahabũ. <sup>15</sup>Eropa wacũ ĩarã i yeba majarã tauro oparã, utã yucũ maja wiri poheca maja goberigue duhrirã wahãma. Gajirã oparã, surara oparã, doberi oparã, turarã, áripehrerã erã pohro majarã, erã pohro majarã áribirã sã yujuro ta duhrirama. <sup>16</sup>Eropirã duhrirã utã yucũre utã sãre õpa arĩrama:

—Gua weca yuhridijari wejêcãque. Sihîre opûre îgu doaro doagure güitaria. Cordero guare ñero dipuwaja moagucumi. <sup>17</sup>Guare áripehrerã turaro dipuwaja moaburinũ árituhajaa. Eropirã îgu dipuwaja moaborore ne bocatiúsome gua. Eropa dipuwaja moari arĩrã gua weca yuhridijari wejêcãque, arĩrama utã yucure áripehrerã.

### Israe masa diaporire Goãmũ îgu waĩ tuhaborore werepũ Ñu

**7** <sup>1</sup>Pũhrũ wapicũrã anyuare ìhabũ. Erã áripehrerogue waháma. Yujugũ nortepũ wagũ erogue arirañere miruñere aribiricũ iiami. Gajigũ surgue, gajigũ abe müririrogue, gajigũ abe ñajarogue waha îgu iro dopa ta miruñere aribiricũ iama erã sã. Eropiro i yebague, wũariyague sãre ne miruñe aribiricũ iama. Ne yujugũ yucũgure miruñe weã ñohmecũ iibirama. <sup>2</sup>Eropigũ gajigũ anyure ìhabũ daja. Abe müririrogue arigũ iiami îgu. Goãmũ ojocariniguiũ îgu waĩ aĩturiñere sello waicũriñere aĩgãrigũ iiami îgu. Eropa aĩgãrigũ gajirã anyua wapicũrãre îgu gaguiniguiami. Erã anyuapũ i yebare, wũariya sãre ñero wacũ Goãmũ îgu iidorenirã àhrama erã. <sup>3</sup>Erãre gaguinigũ òpa arãmi ihĩ anyu:

—Corenique. Goãmũ pohro majarãre erã diaporire îgu waĩ aĩturiñere tuhunimorã iiaa gua. Gua eropa tuhaboro core i yebare, wũariyare, yucũ sãre ñero wacũ iibiricãque mua dohpa, arãmi îgu gajirã wapicũrã anyuare.

<sup>4</sup>Eropigũ Goãmũ îgu waĩ mera erã diaporire erã tuhumorã “Oã nũcũ àhrima,” arĩ wereami yũre yujugũ. Israe masa doce cururi majarã ciento cuarenta y cuatro mil gohra masa erã tuhumorã áriñorã. <sup>5</sup>Oã áriñorã erã tuhumorã: Doce mil masa Judã pãramerã árituriarã erã tuhumorã áriñorã. Doce mil masa Ruben pãramerã árituriarã áriñorã erã tuhumorã. Gajirã doce mil masa Gad pãramerã árituriarã áriñorã erã tuhumorã. <sup>6</sup>Gajirã Aser pãramerã árituriarã doce mil gohra, gajirã doce mil gohra Neftalí pãramerã árituriarã, gajirã doce mil Manase pãramerã árituriarã erã tuhumorã áriñorã. <sup>7</sup>Gajirã doce mil masa Simeo pãramerã árituriarã, gajirã doce mil masa Leví pãramerã árituriarã, gajirã doce mil masa Isaca pãramerã árituriarã áriñorã erã tuhumorã. <sup>8</sup>Gajirã doce mil masa Zabulón pãramerã árituriarã, gajirã doce mil masa José pãramerã árituriarã, gajirã doce mil masa Benjami pãramerã árituriarã, erã tuhumorã áriñorã. Erã nũcũ áripehrerã masa ciento cuarenta y cuatro mil gohra áriñorã erã tuhumorã.

### Bajarã boreri suhricũrãre werepũ Ñu

<sup>9</sup>Pũhrũ masa bajarãre ìhabũ. Áripehreri yeba majarãre, áripehreri cururi majarãre, áripehrerã yare wereniguirãre, áripehreri macari majarãre, yujurãyerire Cristo gamerã dihtare erã niguirãre ìhabũ. Opũ îgu doaro pohro, Cordero core niguiama erã masa. Bajarã masa àhrama. Eropirã erãre queorã bocatiũrã mejeta àhrama. Boreri suhricũrã àhrama erã. Eropirã mijipũrere opáma. <sup>10</sup>Eropirã erã áripehrerã òpa arĩ gaguiniguiama:

Goãmũ àhrimi marire taugũ. Îgu, îgu doaro doagũ àhrimi. Cordero sã marire taugũ àhrimi, arĩ gaguiniguiama erã.

<sup>11</sup>Eropirã árípehrerã anyua, Jesu yarã oparã, gajiropa bejarã mera Opũ ñgu doaro tũrore yuju bero niguiama. Eropa niguirã ñgu doaro core mereja, Goãmũre umupeoama. <sup>12</sup>Õpa arĩ umupeoama erã:

Eropa ta ãhraa. Goãmũ gua Opũre mũre ðaro wereniguia. Õatariagu ãhraa mũhu. Masipehogu ãhraa mũhu. Mũre “Õhaa,” arãa. Mũre umupeoa. Turatariagu ãhraa mũhu. Mũ turari mera ñgu ãhraa mũhu. Mũre eropa arĩrã árípehrerinũri eropa mũre ariniguirãca. Eropa ta iirã, arĩ umupeoama erã Goãmũre.

<sup>13</sup>Eropigu yujugũ Jesu yarã oparã mera majagu yũre wereami:

—¿Oã boreri suhricũrãre masiri mũhu? ¿Erã aridirore masiri mũhu? arĩ serẽpiami yũre.

<sup>14</sup>Ñgu eroparĩcũ peegu,

—Masibea, arĩ yũhriabu yũrũ.

—¿Noa ãhriri erã? arĩ serẽpiabu ñgũre.

Yũ eroparĩcũ peegu õpa arãmi yũre:

—Oã ñetariaro taririnũri áricũ yujuro bojerã ãhrima, arãmi ñgu yũre. Erã suhrire coewearo dopa ta Cordero ñgu di cóara mera erã ñerire coenirã ãhrima. Eropirã ðari boreri suhricũrã ãhrima. <sup>15</sup>Eropa ñgu coenirã árirã Goãmũ ñgu doaro core ñgũre eropa umupeoniguicãma. Õmuri ñamiri nũcu ñgũre eropa umupeoniguicãma pahia Goãmũ wihigue erã iiro dopa ta. Eropigu erã mera eropa áriniguigu erãre itamugũcumi Goãmũ gajiropa wari arĩgu. <sup>16</sup>Eropirã ne dipaturi oaboasome erã. Eropirã ne ñemesibusome. Ne abe mũmũ majagu asiriñere pabusive erã. Turaro asiri erã ñero taricũ iisome. <sup>17</sup>Opũ doaro core niguiũ Cordero erãre ñhadibugũcumi. Ovejare ñhadibugũ iro dopa erãre ñhadibugũcumi. Eropigu maũrigã dipague ojocaricũ iiriyarigã dipague erãre mũhta wahgãgũcumi oveja ñhadibugũ iiro dopa ta. Eropigu eropa mucubiricũ ñgũcumi erãre. Eropirã ãmarogue árirã ne dipaturi oresome erã, arãmi Jesu yarã oparã mera majagu yũre.

### Seis papera erã pihãnarare pãtuhaja gajĩñere pãpehopũ Cordero

**8** <sup>1</sup>Seis papera erã pihãnarare pãtuhagu duhyarañere pãtuhami Cordero. Ñgu eropa pãtuhacũ yuju hora deco ãmarogue ne ejarimaria wahabu. <sup>2</sup>Eropigu siete anyuare Goãmũ pohro niguirãre ñhabũ. Eropigu erãre siete cornetarire ohami gajigu. <sup>3</sup>Gajigu anyu oropari incienso dicũburipari opadigu Goãmũre umupeori mesa pohrogue eja, niguiami. Ero ñgu niguicũ baja inciensore ñgũre ohama. Árípehrerã Goãmũ yarã ñgũre erã serẽra mera moreburi inciensore ohama. Eropigu oro mera iira mesague, Goãmũ ñgu doaro pohro árirã mesague iri incienso Goãmũre soe mujuburi ãhrabu. <sup>4</sup>Eropigu anyu ñgu oparapari maja inciensore mesa weca pohsiri peo soeami. Ñgu eropa soera pũhrũ iri incienso maja imica Goãmũ yarã ñgũre erã serẽra mera mũria wahabu Goãmũ pohrogue. <sup>5</sup>Eropa wara pũhrũ ñgu anyu i mesa maja nitire iriparigũ aĩ pohsãtuhaja, yebague pohmehdijucãmi. Ñgu eropa pohmehdijucũ miãmi. Turaro bupu paãmi. Eropiro gajiropa busũmaa, yeba ñohmemaabu.

### Cornetarire werepũ Ñu

6 Pũhrũ siete anyua yujurãyeri erã cornetarire purimorã iiama.

7 Yujugũ anyu ñgũ yarure purimũhtami. Ñgũ eropa puricũ decoyeri yũsariyeri peame mera, di mera moreriyeri yebague yurimerejabũ. Iriyeri yurimerejacũ ta yeba ñjua wahabũ. Ipẽ ñjuabũ: I yeba deco ejaboro pohro gohra ñjua wahabũ. Eropiro iripẽta yucũ sã taa yahsari sã ñjua wahabũ.

8 Anyu yujugũ ñgũ eropa purimũhtara pũhrũ gajigũ anyu ñgũ yaru cornetare puriami daja. Ñgũ eropa puricũ wuadigũ utãgũ iro dopa bejadigũ õaro ñjuniguidigũ wũariyaguere mihrua dijabũ. Eropiro yeba ñjudiropẽ ta wũariya diya poya wahabũ. 9 Eropirã wũariya majarã wai sã deco mera ejarã gohra yujupũ majase majarã sãria wahãma. Eropiro iri nũcũ gasi ta dohori gasi miria wahabũ wũariyaguere.

10 Perã anyua erã purira pũhrũ gajigũ anyu sã ñgũ yaru cornetare puriami daja. Ñgũ eropa puricũ wuadiru necãru, sihãdiru dopa ta bejadiru yebaguere yurimerejabũ wahabũ. I yeba maja diarire maũ diparire yujupũ majase majare yurimerejabũ necãru. 11 Eropiro iri nũcũ maũri ta sũiriyari dujabũ. Eropa wacũ bajarã masa iri decore sũiri decore ihrinjarã sãria wahãma. Iri ru necãru sũidiru waicũabũ.

12 Urerã anyua erã purira pũhrũ gajigũ anyu sã ñgũ yaru cornetare puriami daja. Ñgũ eropa puricũ abe umũ majagũ, ñami majagũ sã deco erabonirã gohra poya wahãma. Necã majarã sã deco erabonirã dipuru ta poya wahãma. Eropiro umũgue wapicũri horari gohra abe ne boyobirami. Ñami sãre wapicũri horari gohra abe ñami majagũ, necã sã ne boyobirama.

13 Pũhrũ ñhamemujuabũ daja. Umarogue gaa wũwahgãgũre ñhabũ. Eropigũ ñgũ gaguinigucũ peeabũ. Ñpa arãmi ñgũ:

—Ñetariaa. Ñetariaa. Urerã anyua purinibeama dohpa. Erã purira pũhrũ ñetariaro waroca. Eropa wacũ i yeba arãrã ñetariaro warãcoma, arã dijuami ñgũ.

**9** 1 Pũhrũ wapicũrã anyua erã purira pũhrũ gajigũ anyu ñgũ yaru cornetare puriami daja. Ñgũ eropa puricũ necãru iro dopa bejagũ arãgũ anyu umarogue arãdigũ yebague yuhridijaricũ ñhabũ. Eropigũ ñgũre peame gobe ñhcãri gobe maja sawire ohami gajigũ. 2 Eropigũ ñgũ iri gobere pãgũcũ peame imica wiriabũ. Wũari peame imica iro dopa ta wũaro imica wiriabũ iri gobere. Eropiro iri imica mata abe umũ majagũre, umaro sãre dederea wacũ iabũ. 3 Eropirã iri imica pohecague arãrã poreroa yebague wudijarama. Eropirã coreba erã bũrigã pũriro dopa ta erã bũrigã pũriama. 4 Eropigũ taare, yucũre, gajũ taare ñero iidorebirami erãre. Masa dihtare ñero iidoreami erãre. Goãmũ ñgũ wã aĩturiñere erã diaporire tuhuya marirã dihtare ñero iidoreami erãre poreroare. 5 Eropa ñero iidorequeregũ ta erãre wejẽdorebirami. Erãre wejẽdorebiriquiregũ ta cinco aberi gohra masare bũrigã pũricũ iidoreami. Coreba toarã erã pũriro dopa ta pũricũ iirã ñhrama poreroa sã.

6 Irinũrĩre erãre erã pũriro iicũ masa sãridiarãcoma. Erã eropa sãridiaquerecũ ta erãre sãridoresome Goãmũ.

7 Oã poreroapũ cabayua iro dopa dehyoama. Surara cabayuare erã come suhri cãhmotari suhri sãnirã dopa ta dehyoama erã poreroa. Erã dipu weca oparã erã peyari berori oro berori iro dopa peyãma. Erã diapori masa diapori iro dopa bejãma. 8 Erã poari nome poari iro dopa ãhrabũ. Eropirã erã gũcũri yeea gũcũri iro dopa ãhrabũ. 9 Sĩporã cãhmotari gasiro come gasiro iro dopa cãhmotama erã coretihbire. Eropiro erã wũucũ bajarã cabayua omarã erã omaro dopa erã wũuri dũpuri busuabũ. Cabayua tũruri gasire tararã erã gamewejẽrogue warã erã busũro dopa ta busuabũ poreroa wũuri dũpuri. 10 Eropirã coreba ĩgũ pĩgurucũro dopa ta toadiru ĩgũ oparo dopa ta ãhrabũ erã poreroa. Eropirã erã pore mera masare cinco aberi gohra pũricũ toãma. 11 Eropirã erã opũ ãhrami. Ũhcãri gobe opũ ãhrami erã opũ. ĩgũ anyu mũrũ ãhrami. Hebreo ya mera Abadón waĩcuami ĩgũ. Griego ya mera Apolión waĩcuami. Apolión, mari ya mera arĩrã, “Nero goroweogu” waĩcũgũ iimi.

12 Poreroa masare erã ñero pũricũ toara pũhrũ i ñero erã tarimũhtadiro pehrea wahabũ. Iri pũhrũ pesubu ñero tarinirãcoma daja masa.

13 Pũhrũ yuju mojotocũ majarã anyua erã purira pũhrũ gajĩgũ anyu ĩgũ yaru cornetare puriami daja. ĩgũ eropa puricũ Goãmũ core niguiiri mesague oro mera iira mesague wereniguiiri busũro carabũ. Iri mesa maja sari wapicũri sarogue wereniguiiri busũro carabũ. 14 Eropa wereniguiiro cornetare purĩgũre anyure õpa wereniguiiri mera busũro carabũ:

—Wuuriyague Eufrate waĩcũriyague peresu árinirãre anyuare wiuque. Erã wapicũrã anyua ãhrima, arĩro carabũ.

15 Eroparicũ peegũ anyupũ erãre wapicũrãre wiuami bajarã masare wejẽmorãre. I bojorire, inũre, i horare queoro corerã iima erã wiumorã wapicũrã anyua. Erã corediro sihajaa. Eropirã wejẽnũgagãrĩrã iima. Áripehrerã deco mera erabonirãre masare wejẽmorã ãhrama. 16 Eropigũ erã anyua yarã surara, “Oã nũcũ ãhrima,” erã aricũ peeabũ. Erã cabayua weca peyarã ãhrama. Doscientos millones surara ãhrama.

17 Eropigũ cabayua erã weca peyarã yũ ñanirã õpa dehyoama. Erã sĩporãrire cãhmotari suhri come suhri diari suhri, yahsari suhri, boreri suhri suhricũama. Eropirã cabayuapũ erã dipu yeea diarã iro dopa dehyoama. Erã disirogue peame, imica, azufre ũjũri imica sã wiriabũ. 18 Eropiro cabayua disiro wiriri mera masare wejẽabũ. Áripehrerã masa deco erabonirãre masa bajarãre wejẽama. Eropirã peame mera imica mera, azufre ũjũri imica mera bajarã masare wejẽama. 19 Erã cabayua erã disiro wiriri mera wejẽama. Eropirã erã pore mera sã wejẽama daja. Erã pore ojogorogue añaa dipu dopa bejabũ. Eropirã iri pore mera camicũcũ iima erã masare.

20 Bajarã masa erã wejẽ duhanirãpũ erã mera majarãre wejẽcũ ñaquererã erã ñeri iirare ne duhubirama. Watẽare umupeo duhubirama. Erã goãmarã wẽanirãre umupeo duhubirama. Erã wẽanirãpũ oro mera, plata mera, bronce mera, utã mera, yucũ mera erã wẽanirã ãhrama. Erã wẽanirã ojocaribirama. Peebirama. Ñohmebirama. Erã eropa áriquerẽcũ ta erãre masa umupeoama.

<sup>21</sup>Eropirã erã wejê duhanirã gaji ñeri sãre ne bujawerebirama. Masare erã wejêrãre, erã nome mera erã ñero iirare, erã yajara sãre ne bujawere duhubirama erã.

### Miri tûrugãre papera tûrugãre aîgãrimi anyu

**10** <sup>1</sup>Puhrũ gajigu turagu anyu umarogue dijariçũ ñhabũ. Imica curu watope ahrami. Eropigu buibuğuda ñgu dipuru weca peyabũ. Ñgu diapo umũ majagu abe iro dopa gosesiriabũ. Ñgu ñigari peame iro dopa goseabũ. <sup>2</sup>Eropigu miri tûrugãre papera tûrugãre ñgu pãra tûrugãre opãmi ñgu. Ñgu guburu diayerũ maja guburu mera wuariyague cuhraphi niguiami. Ñgu guburu copũ maja guburu yebague cuhraphi niguiami. <sup>3</sup>Eropa niguiũ yeca erã gaguinigiuro dopa ta ñgu turaro gaguinigiuiami. Ñgu eropa gaguinigiura puhrũ siete bupua wereniguirã carirama. <sup>4</sup>Erã eropa wereniguiçũ peegu gojanuğarabũ yuũ. Yu eropa gojanuğacũ ta umarogue yure werenigiuro carabũ.

—Siete bupua erã arĩrãre gajirãre werebita. Eropigu irire goja aĩbita, arĩro carabũ yure.

<sup>5</sup>Ñgu eropa arĩra puhrũ wuariyague niguidigu, yeba niguidigu anyu ñgu mojoto diayerũ mera sime mujuami umarogue. <sup>6</sup>Eropa sime mujugũ Goãmũ eropa ojocariniğuiũ waĩ mera waĩpeoami. Ñgu Goãmũ arĩpeherrerire, umũsire, umũsi majarãre, i yebare, i yeba arĩrãre, pagayarire, pagayari majarãre iigu ahrimi. Eropigu opa arãmi anyu:

—Goãmũ mera diaye arĩgu iiaa. Iripeta corerãra. <sup>7</sup>Seis anyua erã corneta dipurure erã purira puhrũ gajigu anyu ñgu puritucũ Goãmũ iribojegue ñgu “Opa iiguãra,” ñgu arĩdiro dopa ta iiguçumi. Iribojegue masare irire oaro werebiripũ. Puhrũ ñgu pohro majarãre, ñgu yare weremuhtarãre oaro werepehorũ ñgu. Iri ñgu werepirare dohpaguere iiguçumi, arãmi anyu.

<sup>8</sup>Ñgu eropa arĩra puhrũ umarogue yure wereniguidiro dopa ta dipaturi werenigiũ carami daja. Opa arĩgu carami yure:

—Wuariyague niguiũ yebague niguiũ sihi anyu pohrogue waque. Eropa wagu papera tûrugãre ñgu opari tûrugãre aique, arĩgu carami yure. <sup>9</sup>Ñgu eropariçũ peegu anyu pohrogue wababũ. Ñgure papera tûrugãre yu serẽcũ peegu opa arĩ yuñriami yure:

—Aique. Eropigu i papera tûrugãre baque muũ. Mũ ne bacũ mome iro dopa oaro imisiroca. Mũ parugue mũ acura puhrũ sũia waroca, arãmi yure.

<sup>10</sup>Ñgu eropariçũ peegu iri tûrugãre anyure yu aĩra puhrũ bahabũ. Yu ne bacũ mome iro dopa imisiabũ. Yu ba acura puhrũ yu parugue sũiro carabũ yure. <sup>11</sup>Yu eropa bara puhrũ opa arãmi yure:

—Dipaturi bajarã masare, macari majarãre, yebari majarãre, baja disirori wereniguirãre, erã tauro oparã sãre puhrũ erã dohpa waborore wereyumuhtaque, arãmi yure.

## Perã Goãmũ yare weremorãre were gojapũ Ñu marire

**11** <sup>1</sup>Pũhrũ yure queodigure odoreami Goãmũ. Tuadigupẽ yoadigu ãhrabũ irigu. Irigure odoregu õpa arãmi yure:

—Yaha wihire queogu waque. Iri wihi majañe yure umupeori mesa sãre queoque. Eropigu iri wihiguere masare yure umupeorã sãre queoque.

<sup>2</sup>Disiporo wirinũgaropũre queobita. Iripũ yure gamebirã erã cũhrapirapũ ãhraa. Erã cuarenta y dos aberi gohra Goãmũ ya macare iri maca majarã sãre ñero iirãcoma. Eropigu queobita iripũre. <sup>3</sup>Eropigu yahare wererãre perãre obeogura. Mil doscientos sesenta nuri gohra yahare wererãcoma. Co suhri sañanirã árirãcoma erã yũ weredorenirã, arĩ wereami yure.

<sup>4</sup>—I yeba majarã tauro opũ pohro pegũ olivo waicũri yucũ niguia. Pegũ sihãgori yucũ sã iri yucũ pohro niguia. Iri yucũ oã perã yahare weremorã iro dopa ãhraa, arĩ wereami daja yure. <sup>5</sup>Eropirã erãre ìhaturirã erãre erã ñero iidiaçũ erã disirogue pea porã wirimaaro soe wejẽpehocãroca erãre ìhaturirãre. Eropa ta erãre ñero iirãre wejẽrãcoma erã perã. <sup>6</sup>Eropiro erã perã erã deco aridorebircũ deco arisome. Eropiro yahare erã wereropẽ deco arisome. Eropirã maurire diyari poyacũ iirãcoma erã. Eropirã i yebare ñero wacũ iirãcoma erã. Áripehreri dohpa árirore, dohpa árirãre, masare ñero wacũ iirãcoma erã. Erã noho gamero iidiaropẽ eropa ñero wacũ iirãcoma i yebare.

<sup>7</sup>Erã Goãmũ yare weretuhajacũ ùhcãri gobegue árigũ ñegũ nuũ majagũ wirigũcumi. Eropigu Goãmũ yare wererã erã perã mera gamequeãgũcumi. Eropa gamequeãgu turatarinũgagũ erãre wejẽcãgũcumi. <sup>8</sup>Ìgu eropa wejẽra pũhrũ erã ya dũpũri mũra wũari maca maja mague oyaroca. Mari Opũre Jesucristore erã pabia wejẽra maca ãhraa iri maca. Iri maca majarã ñerã árirã, Sodoma majarã mũra, Egipto majarã mũra iro dopa ãhrama. <sup>9</sup>Erã dũpũri mũra oyaro ùhrenũ õaro oya, gajinũ deco erã ya dũpũri mũra iri mare oyaroca. Eropirã áripehreri yeba majarã yujurãyeri, áripehreri cururi majarã yujurãyeri, áripehrerã yare wereniguirã yujurãyeri iri nũcũ nuri gohra erã ya dũpũri mũrare ìarãcoma. Eropirã iri nũcũ nuri gohra erãre yaadoresome. <sup>10</sup>Erã perã Goãmũ yare weremũhtanirã i yeba majarãre erã ñero iira dipuwaja moanirã árirãcoma. Eropirã erã eropa sirinirã áricũ ìarã áripehrero majarã mucubirãrãcoma. Eropa mucubirãrã bosenu ii, erã basi gajinore eropa ocãrãcoma.

<sup>11</sup>Erã eropa iiquerecũ ùhrenũ pũhrũ gajinũ deco gohra Goãmũ erãre masugũcumi daja. Ìgu eropa masucũ erã dipaturi wahgãnũgajarãcoma. Erã eropa wahgãnũgajacũ ìarã áripehrerã bũrigã güirãcoma erãre. <sup>12</sup>Pũhrũ ùmarogue bũrigã erãre perãre wereniguicũ peerãcoma masa. Òpa arĩri busũroca erãre: —Ógue mũririque mũa, arĩri busũroca.

Erãre eropa arĩ wereniguirire busucũ peerã imica cururi watope mũria warãcoma. Erãre doonirã mũra erã mũriacũ ìarãcoma. <sup>13</sup>Erã eropa mũriarisubu yeba turaro ñohmeroca. Eropa ñohmecũ ta iri maca maja wiri baja wiri mihrua dija waroca. Eropirã yeba ñohmero mera siete



mil masa sīria warācoma. Gajirā dūhyarāpū ũca wa, Goāmure ũmaro majagure “Turagu āhrimi,” arī umupeorācoma pare ĩgure.

<sup>14</sup>I arīpehleri eropa wara pūhrū pesubu masa erā ñero tarituhajanirā arīrācoma. Eropa tarira pūhrugā ta dipaturi masa mata daja ñero tarirācoma.

### Seis corneta dipurure erā purira pūhrū gajigu puripu

<sup>15</sup>Pūhrū seis corneta dipurure erā purira pūhrū gajigu anyu ĩgu yarure puriami. ĩgu eropa puricū ũmarogue turaro wereniguiro carabū. Ōpa arīro carabū:

Dohpague mari Pagū, Cristo mera i yeba majarā tauro opū arīgucumi.

Eropigu eropa opū arīniguigucumi Goāmū, arīro carabū.

<sup>16</sup>Eropirā Goāmū core oparā doarigue doarā veinticuatro Jesu yarā oparā Goāmū core mereja, ĩgure umupeoama. <sup>17</sup>Eropa umupeorā ōpa arāma:

Gua opū Goāmū, turatariagu āhraa mūhū. Mūhū negohraguere eropa arīmariyoro. Eropigu dohpague sāre eropa arīniguia. Pūhrugue arīgūca mūhū. Mū turari mera masa erā opū mū arīnūgacū, “Ōhaa,” arāa gua mūre. <sup>18</sup>Arīpehlerā i yeba majarā mūre gamebirā mū mera guarima. Dohpaguere erāre mū dipuwaja moaburibusu āhraa. Sirinirā sāre mū dipuwaja moaburibusu āhraa. Eropiro mū yarāpūre ōarire erā iira wajare mū oburinosubu āhraa. Yujurāyeri erā mū yare weremūhtanirā arīma. Eropirā erā gajirā mū yarā mera arīpehlerā mūre ōaro umupeonirā arīma. Eropigu oparāre, bu arīrā sāre mū yarā erā arīcū ĩha ōaro iigūca mūhū erāre. Eropiro i yeba majarāre gorowecorerāre mū cōāburibusuno arīro ĩaa dohpaguere, arī umupeoama Jesu yarā oparā Goāmure.

<sup>19</sup>Erā eropa arī umupeora pūhrū ũmaro maja wihi Goāmū ya wihi ĩgu pāgūra wihi ĩhabū. Eropirā iri wihi arīri comorore ĩhabū gua. Iri comoro pohecague Goāmū “Masare itamugura,” ĩgu arī werepirapū sañabū. Gua eropa ĩacū ta miamaa, bupu paamaa, gajiropa busūmaa, i yeba ñohmema wahabū. Deco yūsariyeri deco būrigā ũmarogue dijaribū.

### Nomeore, pīru sāre werepū Ñū

**12** <sup>1</sup>Pūhrū i yeba dohpa waborore ũmarogue dehyoabū yūre. Eropa dehyoari guhyadiaro maja āhrabū. Ōpa ĩamūhtabū: Ũmarogue nomeore ĩhabū. Igo suhriro abe ũmū majagu iro dopa gosesiriabū. Eropigo abe ñami majagu weca niguiamo. Opū ĩgu peyarino berore doce necā opari berore peyadigo niguiamo. <sup>2</sup>Eropiro igo porācūboro merogā dūhyabū. Eropigo igo niji wahgūgo pūriro mera gaguiniguamo. <sup>3</sup>Pūhrū dipaturi ĩhabū daja ũmarogue: Wūagu pīrure diagure ĩhabū. Siete dipu dipucūgu āhrami. Arīpehleri ĩgu dipu oparā erā peyarino berorire peyara dipu dihta āhrabū. Eropigu diez cusaricūgu āhrami ĩgu. <sup>4</sup>ĩgu pīguru mera necā dipurure wejēsiri medijuami. Arīpehlerā necāre deco gohra wejēsiri medijuami. Eropigu nomeo porācūgo pohro niguiami pīru. Igo magugā dehyoacū babu iirami. <sup>5</sup>Merogā pūhrugā ta masa dehyoatuhami majigugā.

Árīpehreri yeba majarā opu árību āhrami ĩgugā. Ĩgu eropa opu turagu árīcū masa ĩgure tarinugará yujuro bojesome. Ĩgu eropa masa dehyoacū ta Goāmũ ĩgu doaro pohrogue ĩgugāre aībeocāmi. <sup>6</sup>Ĩgu eropa iicū nomeopu masa marirogue pĩrure duhrigā wahámo. Goāmũ ĩgu amuyudirogue duhrigā wahámo igo. Eroguere mil doscientos sesenta nuri gohra Goāmũ igore ĩhadibumi.

<sup>7</sup>Eropirā umarogue gamewejēnugáma. Migue waicugũ anyu ĩgu yarā anyua sã pĩru mera gamequeãma. Erã eropa gamequeãcū pĩru ĩgu yarā anyua mera Miguere gamequeãmi. <sup>8</sup>Eropirā Migue sã pĩrure tarinugáma. Eropigũ pĩrure ĩgu yarāre anyuare umaroguere árinemodorebirami. <sup>9</sup>Eropigũ wuagu pĩrure cóacāmi Goāmũ. Ĩgu pĩru watī ta árīgũ iiami. Satana waicugũ āhrimi. Iribojeguere ĩgu pĩru dupu dopa deyogu árĩñumi. Eropigũ árīpehreri yeba majarāre guyagu āhrimi. Goāmũ ĩgure cóāgu ĩgu yarā anyua mera yebague cohā dijuami.

<sup>10</sup>Pũhrũ umarogue turaro wereniguicū peeabũ:

—Dohpague mari Pagũ masare taumi pare. Dohpague tamerare mari Pagũ mari opu árīgũ āhrimi ĩgu turarire ĩhmubu. Eropigũ ĩgu obeodigũ Cristo sã ĩgu opu árĩrire ĩgu turarire ĩhmumi árīpehrerāre. Watire umarogue áridigure cohā dijuami i yebague. Eropigũ ĩgu turarire ĩhmumi mari Pagũ. Ĩgu watĩpu umuri nucũ, ñamiri nucũ Jesu yarāre, “Oā ñerā āhrima,” arī weresāgu iimi mari Pagure. Eropigũ mari acawererāre Jesu yarāre weresāgu árĩmi. <sup>11</sup>Cristo Cordero waicugũ ĩgu di cóaro mera mari acawererā ĩgure umupeorā erã ñeri iirare cóāsünirā árĩma. Eropirā watire tarinugáma. Eropirā òari buherire wererā, watire tarinugáma. Ĩgu yare werera dipuwaja gajirā erāre wejēdiaquerecū ta, Cristo yare duhubirā árĩrā ĩgure tarinugama. <sup>12</sup>Eropirā mũa umaro majarā mucubirique. Watire ĩgu yebague cohā dijucū ĩarā mucubirique. Mũa yeba majarāpu, wuariya majarā sã mojomorocurā warāca mũa. Mũa pohrogue dijami watī. ĩgure dipuwaja moaboro merogā duhyaa. Eropigũ guataricāmi ĩgu. Mũa pohrogue ĩgu ejacū mojomorocuro dujacū iigucumi ĩgu mũare, arī gaguiniguiro caricū peeabũ.

<sup>13</sup>Eropigũ pĩrupũ cohā dijudigũ nomeore, majigugā pagore nurusia wahgāmi.

<sup>14</sup>Eropigũ Goāmũ gaa wuagu quē dupure ohami igore masa marirogue igo wũũ duhri wahgāboro dopa. Eroque igo ejara pũhrũ uhere bojori òaro gajj bojori deco gohra òaro ĩhadibuami Goāmũ igore. Ĩgu eropa ĩhadibucū pĩru igore ñero iimasibirami. <sup>15</sup>Ero igo árīcū ĩagu pĩru igore miudiagu wuaro decore etocabeocāmi. <sup>16</sup>Ĩgu eropa iiquerecū yebapu igore itamuabũ. Pĩru ĩgu disiro wiriri decore yebapu yehrimaa wa uju aībeocābũ. <sup>17</sup>Eropa wacū ĩagu pĩru guatariami. Eropa guagu yujurāyeri igo pāramerā árĩturiarā mera gamewejēgu wahámi. Erāpu Goāmũ dorerire iirā āhrama. Jesu yare òari buherire ne duhubirā āhrama. Erã mera gamewejēgu wahámi. Eropigũ pĩru wuariya turo pohro niguiami.

### Perã nugu majarāre werepu Ñu

**13** <sup>1</sup>Wuariya turo niguiqu, nugu majagu iriya árīgure ĩgu wahgāpacū ĩhabũ. Ĩgu siete dipu, diez gohra cusaricugũ āhrami. Ĩgu cusari oparā erã

peyarino berori peyámi. Eropiro ïgu dipure ïgu waïre ïgu gojatura ãhrabu. ïgu waï iri ñeri waï áriro Goãmure ïhaturiri waï ãhrabu. <sup>2</sup>Eropigu ïgu nuçu majagu yee dorogu guagu iro dopa bejámi. Eropigu bugu iro dopa guburicugu ãhrami. Eropigu yee wuaguro iro dopa disirocugu ãhrami. Eropigu pïrupu ïgu turarire ohami nuçu majagure. Eropa ogu ïgure ïgu opu doaro apigu ïgu iro dopa ta masa bajarãre dorecũ iiami pïru nuçu majagure. <sup>3</sup>Ïgu nuçu majagu dipuru yuju dipuru camirocũri dipuru dopa bejabu. Iri camiro ïgure wejëbocurira camiro áriquerero yarira camiro ãhrabu. Iri dipuru ojocaricũ ïarã, uca waháma i yeba majarã áripehrerã. Eropa ïha ucarã, nuçu majagure “Turagu ãhrimi,” arí umupeoama. Eropirã ïgu yarã waháma masa. <sup>4</sup>Eropirã nuçu majagure pïru ïgu turarire ocũ ïarã masapu ïgure pïrure mereja umupeoama. Eropirã nuçu majagu sãre mereja ïgure umupeoama. Eropa umupeorã õpa arãma:

—Ne gajigu ma iro dopa turagu marimi. Gajigu mre ne tarinugamasibeami, arí umupeoama masa nuçu majagure.

<sup>5</sup>Eropigu ïgu nuçu majagu “Turatariagu ãhrimi,” erã ïgure ariquerecũ ta, ïgu Goãmure ñero wereniguiquerecũ ta eropa pepicãnimi Goãmuru. Eropigu cuarenta y dos aberi gohra ïgu nuçu majagu masare dorenigucumi. Iripeta ïgu opu áricũ gahmemi Goãmũ. <sup>6</sup>Eropigu Goãmure ñero wereniguiami ïgu. ïgu waïre, ïgu wihire, umarogue ïgu áriro, ïgu pohro majarã sãre ñero wereniguiami nuçu majagu. <sup>7</sup>Eropigu Goãmũ yarãre gamewejegu erãre tarinugami. ïgu eropa tarinugaquerecũ ta eropa ïacãniami Goãmũ. Goãmũ ïgu eropa iidorebiricũre iisome ïgu. Eropigu áripehrerã i yeba majarã tauro opu árinirami nuçu majagu. Áripehreri cururi majarã, áripehreri yebari majarã tauro, áripehreri macari majarã tauro, áripehrerã yare wereniguirã tauro opu árinirami ïgu. <sup>8</sup>Eropirã áripehrerã i yeba majarã ïgu nuçu majagu pohro mereja ïgure umupeorãcoma Goãmũ yarã áribirãpu. I yebare Goãmũ ïgu ïhacũnuguboro core ïgu yarã árimorãre ïgu mera áriniguimorãre erã waïre gojatutuhanumi. Iripũ ïgu eropa gojaturapũ Cordero erã wejëdigu yapũ áhraa. Iripũ erã waïre gojatubirã dihta Goãmũ yarã áribirã nuçu majagure umupeorãcoma.

<sup>9</sup>Gamiricurã áhraa mũa. Eropirã peeque mũa Jesu yarã árirã. <sup>10</sup>Áripehrerã mreare peresu iinirãre erã sãre peresu iigucumi puhru. Áripehrerã masare ñose wejëñirãre erã sãre ñose wejëgucumi puhru. Irire masirã mari Goãmũ yarã ñero tariquererã ta ïgure cóãbiricãrã. Eropirã yujuro boje ïgure guñaturarã.

<sup>11</sup>Puhru gajigu nuçu majagure ïhabu daja. Yeba pohecague ïgu áridigu ïgu wiriricũ ïhabu. Pecusaro oveja cusaro iro dopa bejari cusaro cusarocugu ãhrami. Eropa áriqueregu pïru iro dopa wereniguiami. <sup>12</sup>Eropigu nuçu majagu árimuhtadiguru puhru áridigure opu acuami. ïgu eropa opu acuguru áripehreri yeba majarãre árimuhtadire umupeodoreami. Árimuhtadi nuçu majagu erã wejëbocuridi camiro yaridigu ãhrami. <sup>13</sup>Eropigu puhru áridigu deyoro moarire ii ïhmuami masa erã ïha ucaboro dopa. Eropa iigu masa erã ïaro peame wuari peame umarogue dijericũ iiami. <sup>14</sup>Eropigu árimuhtadigu ïgu ïhuro gajigu nuçu majaguru deyoro moari mera masare guyámi, “Ihĩ mũa umupeobu ãhrimi,”

arĩgu. Eropigũ ĩgu gajigũ nũgu majagu árĩmuhtadigũre wéadoreami masare. ĩgu árĩmuhtadigũ ñoserimiji mera erã ñosedigũ árĩqueregu ta ojocarigu ãhrami. ĩgu iro dopa bejagũre ta wéadoreami gajigũ nũgu majagu masare. Erã eropa iicũ ĩagu Goãmu dooqueregu ta eropa ĩacãniami. <sup>15</sup>Eropigũ pũhru árĩdigũ nũgu majagũpũ árĩmuhtadire wéadigũre ojocaricũ iiami masare ĩgu doreboro dopa. Eropigũ wéadigũpũ erã ĩgũre umupeobirãre wejẽdoreami. <sup>16</sup>Eropigũ árĩpehrerãre erã mojotori diayerũ sãre ĩgu waĩre gojatudoreami nũgu majagu pũhru árĩdigũ. Erã mojotorire gojatubirinirãre erã diaporire gojatudoreami ĩgu waĩre. Bu árĩrãre, oparãre, doberi oparãre, mojomorocũrãre, erã pohro majarãre, erã pohro majarã árĩbirãre, árĩpehrerãre ĩgu waĩre gojatudoreami. <sup>17</sup>ĩgu árĩmuhtadigũ nũgu majagu ĩgu waĩre, ĩgu numerore gojatubirãre ne asĩdorebirami. Eropigũ erãre duadorebirami.

<sup>18</sup>Irire õaro masique mũa. Pee masirã árĩrã nũgu majagu ĩgu numerore õaro ĩha masique. Iri numero ũa waĩ iro dopa ãhraa. Iri numero seiscientos sesenta y seis gohra ãhraa.

#### Goãmu ĩgu taunirã mama bayariĩnere bayañorã

**14** <sup>1</sup>Pũhru Siõn waĩcũdigũ utãgu weca niguigure Corderore ĩhabũ. ĩgu mera ciento cuarenta y cuatro mil masa ãhrama. Erã ĩgu ya waĩre ĩgu Pagũ ya waĩ sãre erã diaporire erã gojatunirã ãhrama. <sup>2</sup>Erãre yũ ĩacũ ta ũamarogue busũro carabũ. Wũari utãmu busũro dopa ta, bupu ĩgu wũaro busũro dopa ta busũro carabũ. Eropigũ arpa waĩcũrĩre erã buamũtẽro dopa ta busũro carabũ. <sup>3</sup>Erã ciento cuarenta y cuatro mil masa bayarã ãhrama. Ero opũ ĩgu doaro pohro wapicũrã gajiropa bejarã, Jesu yarã oparã sã core bayarã ãhrama erã. Erã bayariĩne mama bayariĩne ãhrabũ. Iri bayarire erã dihta masiama. Cristo ĩgu taunirã dihta iri bayarire masiama. Erã i yeba árĩnirã mura ĩgu aĩ mujunirã ãhrama. <sup>4</sup>“Ne ñerire iisome,” arĩnirã ñerire iibirinirã ãhrama. Ne erã yujusubugã nome mera ñero iibirinirã ãhrama. Eropirã Corderore ĩhacũnirã árĩrã, ĩgu yare eropa iiniguimũrama. Eropigũ erãre ñerã watope árĩnirãre ĩgu taumorãre aĩami Goãmũpũ. Eropa ĩgu taunirã árĩrã, Goãmũ yarã árĩmorã, Cordero yarã sã árĩmuhtanirã ãhrama. <sup>5</sup>Eropirã erã mera majarã ne yujugu guyagu marami. Eropirã Goãmũ ĩgu pepicũ ñeri iira dipuwaja marirã ãhrama erã.

#### Ûrerã anyua weremedijuñorã

<sup>6</sup>Pũhru ũamarogue wũũgũre anyure ĩhabũ. ĩgu i yeba majarãre árĩpehreri cururi majarãre, árĩpehrerã yare wereniguirãre, árĩpehreri yebari majarãre õari buherire werebu ãhrami. Iri buheri ne gohrotobea. Eropa árĩniguicãa. <sup>7</sup>Eropigũ anyu gaguinigũ õpa arĩ medijuami:

—Goãmũre güique. “Turatariagu, õatariagu ãhrimi,” arĩ umupeoque ĩgũre. Dohpaguere masare ĩgu dipuwaja moaburisubu árĩro iiaa. ĩgu ũamũsire, yebare, pagayarire, mũtayarigã sãre iidigũ ãhrimi. Eropirã ĩgũre mereja umupeoque, arĩ gaguinigui dijuami anyu.

<sup>8</sup>Īḡu eropa arīra pūhrū gajigū anyu ũmaro wūḡu ōpa arī medijuami: —Erāre cóācāmi. Wūari maca Babilonia waīcūri maca majarāre cóācāmi Goāmū. Erā ĩḡu cóānirāpū árīpehrerā gajirāre ñero iicū iima. Masa erāre ĩhacūrā, ñerire ũaribejarā, goāmarā wéanirāre umupeoma. Merericūrā vinore erā turaro ũaribejaro dopa ta erā ñerire turaro ũaribejama Babilonia majarāre ĩhacūrā, arī were medijuami gajigū anyu.

<sup>9-10</sup>Erā perā anyua eropa arīra pūhrū gajigū anyu erā pūhrū wūḡu gaguinigui ōpa arī medijuami ĩḡu sā:

—Árīpehrerā nḡu majagure umupeorāre, ĩḡure wéadigure umupeorāre erā diaporire, erā mojotorire ĩḡu waire gojatunirāre dipuwaja moagūcumi Goāmū. Erā mera guagū erā tamerare turaro dipuwaja moagūcumi Goāmū. Eropigū Goāmū erāre būrigā dipuwaja moaniguigūcumi cādijiro mariro. Nḡu majagure umupeorā árīpehrerā peamegue warācoma. Eroque būrigā pūiroca erāre. Azufre waīcūri mera erā dihura peame árīroca. Goāmū yarā anyua, Cordero sā erā ĩhuro ñero tarirācoma erā. <sup>11</sup>Iri peame eropa imicacūniguicāroca. Ne yarisome. Erāre eropa pūriniguicū iiroca. Árīpehrerā nḡu majagure mereja umupeorāre eropa pūriniguicroca. Ũmūri sāre, ñamiri sāre eropa pūriniguicāroca sooro mariro erāre. Īḡu nḡu majagure ĩḡu wéadigure umupeorā, ĩḡu waire erā gojatunirā sā, eropa ta ñero tarirācoma, arī medijuami anyu.

<sup>12</sup>Eropigū ōpa arī werea mūare ire: Mūa erā eropa ñero tariborore masirā, Goāmū yarā ĩḡu dorerire iirā, Jesure cóābirā árīrā, ĩḡu yare duhubiricāque. Ñero tarirā árīquererā ta Goāmū yare duhubiricāque, arāa yūhū mūare.

<sup>13</sup>Pūhrū ũmarogue yare wereniguicro cacā peebū daja. Ōpa arāmi yure: —Ire gojaque mūhū. Goāmū yarā ĩḡure cóābirā árīnirā dohpaguere mūa šīrira pūhrū sāre ōaro mucubirirā árīrāca mūa, arī medijugū carami yure. Īḡu eropa arīra pūhrū Espírītu Santopū ōpa arīnemoami daja:

—Eropa ta āhraa. Diaye ta āhraa. Erā turaro erā mohmerire duhpicā soorācoma. Ũmarogue erā wacū ōaro erā iirare guñagūcumi Goāmū. Eropigū erāre ōaro iigūcumi. Eropirā erā mucubirirā árīrācoma, arīnemoami Espírītu Santo.

**Pohe maja oteri dūcare mari beye aīro dopa ta Goāmū ĩḡu yarāre beye aīḡūcumi. Ñerāpūre boje beye dobogūcumi, arī gojañumi Ñu**

<sup>14</sup>Pūhrū imica curu boreri curure ĩhabū. Iri curu weca masū dopa bejagū doāmi. Īḡu oro bero opū ĩḡu peyarino berore peyāmi. Eropigū matamiji usiri mijire opāmi ĩḡu. <sup>15</sup>Pūhrū gajigū anyu Goāmū wihigue árīdigū wirirami. Eropa wiririgū turaro gaguiniami imica curu weca doagure:

—Mūhū matamiji mera pohe maja dūcare i yeba maja dūcare tabe aīphocāque. Dohpaguere mū queodiro ejaa. Dūca boretuhabū, arāmi anyu.

<sup>16</sup>Īḡu eroparicū peegū ĩḡu matamiji mera i yebare tāranḡgami ĩḡu imica curu weca doagū. Eropa tāranḡgagū i yeba maja dūcare aīro dopa iiami.

<sup>17</sup>Pũhrũ gajigũ anyu sã Goãmũ wihigue árdidigũ wirirami. Īgũ sã matamiji usirimijire opámi. <sup>18</sup>Eropigũ gajigũ anyu Goãmũre umupeori mesa pohrogue árdidigũ wirirami. Īgũpũ mesa maja peamere ĩhadibugũ áhrami. Eropa wiririgũ matamiji usirimiji opagũre gaguiniguiami:

—Mũhũ matamiji mera i yeba árii pohere, igui pohe maja dũcare aĩque. Iguipũ ñiituhabũ, arĩ gaguiniguiami.

<sup>19</sup>Īgũ eroparĩcũ peegũ anyu ĩgũ matamiji mera i yebare tãragũ, iguitõrĩre wĩrita aĩami. Īgũ eropa iira pũhrũ iritõrĩre iguitõrĩre ĩgũ ñatĩarogue cõhãmi. Īgũ eropa ñatĩaro dopa ta Goãmũ ĩgũre gamebirãre turaro guagũ, dipuwaja moagũcumi.

<sup>20</sup>Iri maca tũro pohro erã ñatĩaro iri iguitõrĩre ñatĩama. Ero erã ñatĩacũ igui deco wiriro dopa di wiriabu. Trescientos kilõmetros yoariya, yuju metro õaro gaji metro deco ũhcãriya áhrabu di mera. Irire ĩha masiabu. Yujunũ anyu Goãmũre gamebirãre ñerire iinĩrãre gameneo erã ñeri iira dipuwaja moagũcumi. Īgũ eropĩcũ masa bajarã sĩrĩrãcoma. Eropa sĩrĩrã di pagari cõarãcoma, arĩ masiabu yũhũ.

#### Masa erã ñero tariborore anyua apituñorã masare

**15** <sup>1</sup>Pũhrũ ũmarogue gajiropa áriĩore ĩhabũ. Gũhyadiaro áriĩo i yebague dohpa waborore ĩhmuriĩne áhrabu. Őpa ĩhabũ: Siete anyua áhrama. Goãmũ guagũ siete suburi masare dipuwaja moatubu iiami. Eropirã erã siete anyuapũ dipuwaja moadore ĩgũ apimorã áhrama.

<sup>2</sup>Anyuare yũ ĩara pũhrũ wũariyare õaro deco surĩriya dopa áriĩiyare ĩhabũ. Iriya peame mera áriĩiya áhrabu. Eropigũ iriya pohro niguirãre nũgũ majagũre ĩgũre wéadigũ sãre tarinũganĩrãre ĩhabũ. Erã nũgũ majagũ numerore ĩgũ ya waĩ maja numerore gojatudorebirinĩrã áhrama. Ero niguirã arpa waĩcũri buamutẽrĩre opáma. Iri buamutẽri Goãmũ ĩgũ ora áhrabu. <sup>3</sup>Eropirã Goãmũ pohro majagũ Moise ya bayarĩre bayarã iiaama. Cordero ya bayariĩne sãre bayarã iiaama. Őpa arĩ bayãma:

Gua opu mũhũ Goãmũ turatariagu áhraa. Mũ iirare ĩarã ĩha ũca wahaa gua. Mũ iira õataria. Mũhũ áriĩpehreri yeba majarã tauro opu áhraa. Őaro gũyaro mariro diaye iiaa mũhũ. <sup>4</sup>Áriĩpehrerã mũre gũima. Áriĩpehrerã mũre “Turagu áhrimi,” arĩrãcoma. Mũ dihta ñeri marĩgũ áhraa.

Áriĩpehrerã i yeba majarã mũ pohrogue ejarã mereja mũre umupeorãcoma.

Eropa ta iirãcoma erã áriĩpehrerã õaro mũ iirare ĩarã, arĩ bayarã iiaama erã.

<sup>5</sup>Pũhrũ ũmarogue ĩhamemujugũ, Goãmũ ya wihire pãgũra wihire ĩhabũ. Iri wihigue Goãmũ ĩgũ doreri ĩgũ gojara mijiri ũtã mijiri erã dibura mijiri áhrabu. <sup>6</sup>Iri wihire yũ ĩacũ ta siete anyua iri wihi pohecague árinĩrã wirirama. Erã Goãmũ ĩgũ dipuwaja moadoregũ ĩgũ apimorã áhrama. Erã nũcũ erã dipuwaja moaburĩre opáma erã anyua. Őari suhri, boreri suhricũrã áhrama. Eropiro erã coretilhbi weca oro gasiro mera tuãdiunĩrã áhrama. <sup>7</sup>Iri wihigue árinĩrã erã wiriricũ wapicũrã gajiropa bejarã mera majagũ erãre siete anyuare oroparĩre ohami. Iripari Goãmũ gua ĩgũ dipuwaja moadoreburi mera õaro ũjutũriabu iripari. Īgũ Goãmũ eropa árinĩguigũ áhrimi. <sup>8</sup>Īgũ iriparĩre erãre ocũ ta Goãmũ wihi pohecague ĩgũ

gosesiriri mera ïgu turari mera imicacu sehya wahabu. Iri wihî eropa imicacu sehya wacû iri wihîre ne yujugu ñaja masiya marabu. Siete anyua Goãmû dipuwaja moadoregu ïgu apidiro dopa ta erã masare dipuwaja moatura pũhrũ dipaturi iri wihigue ñajamasirãcoma daja. ïgu dipuwaja moaboro core ñaja masiya mara. apidiro dopa ta erã masare dipuwaja moatura pũhrũ dipaturi iri wihigue ñajamasirãcoma daja. ïgu dipuwaja moaboro core ñaja masiya mara.

### Goãmû masare ïgu dipuwaja moaborore werepũ

**16** <sup>1</sup>Pũhrũ Goãmû wihigue turaro wereniguiro carabu. Siete anyuare weregu iigu carami:

—Goãmû ïgure tarinũganirã mera guami. Eropirã ïgu dipuwaja moadorerare iique. Eropirã dohpaguere siete pari dicũrire yebague pisiri medijurã waque i yeba majarãre, arĩ wereniguigu carami.

<sup>2</sup>Eroparicũ peegu árinũhtadigu anyu ïgu oparipa dicũrire yebague pisiri medijuami. ïgu eropa pisiri medijucũ nũgu majagu waĩre gojatunirã ïgure wéadigũre umupeonirã ñero camicũama. Iri cami turaro pũriyoro erãre.

<sup>3</sup>ïgu eropa pisirira pũhrũ gajigu anyu daja ïgu oparipa dicũrire pisiri medijuami daja wũariyague. ïgu eropa pisiricũ iriya diya wahabu. Sĩridigu di iro dopa áhrabu iri di. Eropa wacû iriya pohecague árinirã siripehrea wahãma.

<sup>4</sup>Perã eropa pisiri dijura pũhrũ gajigu anyu ïgu oparipa dicũrire pisiri medijuami daja maũrigue, iri maũri diparigue sãre. ïgu eropa pisiricũ maũri diyari dihta wahabu. <sup>5</sup>Eropa wacû ïagu gajigu anyu maũrire coregu õpa arĩgu carami:

—Goãmû, mũhũ ñeri marigu áhraa. Dohpague sãre eropa áriniguiçãgu áhraa mũhũ. Iribojegue sãre eropa áriniguiçãmũribũ mũhũ. Eropigu dipuwaja moagu diyarire iigu diaye iiaabũ mũhũ. <sup>6</sup>Nũgu majagu yarãpũ mũ yarãre wejẽrã di cóacũ iima. Mũ yare wererã sãre wejẽrã di cóacũ iima erã. Erã eropa wejẽra dipuwaja iriyari diyari wahabu erã ihriburi. Õpa ta mũ iicũ gahmeama erã, arĩgu carami maũrire coregu anyu.

<sup>7</sup>ïgu eropa arĩra pũhrũ Goãmũre umupeori mesague wereniguiro carabu daja: —Eropa ta áhraa. Goãmû gũa opu turatariagu áhraa mũhũ. Gũyaro mariro, queoro masare beye, dipuwaja moaa mũhũ, arĩ wereniguiro carabu.

<sup>8</sup>Ûrerã anyua erã pisirira pũhrũ gajigu anyu ïgu oparipa dicũrire pisiri medijuami daja. Abe mũmũ majagu weca pisiri medijuami. ïgu eropa pisiricũ abere masare turaro asicũ iiami Goãmû. <sup>9</sup>Eropigu abe mũmũ majagu masare turaro asiami. Erãre eropa asicũ erã Goãmû erãre ïgu dipuwaja moadrecũ masirã, ïgure ñero wereniguiama masa. Eropa ñero tariquererã ta erã ñero iirare ne bujawerebirama. Eropirã duhubirama. Goãmũre “Turagu áhrimi,” arĩ umupeodiabirama.

<sup>10</sup>Wapicũrã anyua erã pisirira pũhrũ gajigu anyu daja ïgu oparipa dicũrire pisiri medijuami daja. Nũgu majagu ïgu doaro weca pisiri medijuami. Opu doaro áhrabu ïgu doaro. ïgu eropa pisirira pũhrũ ïgu yarã áriiri yebague naitiãro wahabu. Eropirã ïgu yarã masa ñero pũricũ gũcũrire cũridihuama.

<sup>11</sup> Eräre ñero pūricū ta, erā ñero camicurā ta Goāmure umaro majagure ñero wereniguiama. Erā ñero iirapure bujawerebirama. Eropirā irire duhubirama.

<sup>12</sup> Yuju mojtocu majarā anyua erā pisirira pūhrū gajigū anyu daja igū oparipa dicurire pisiri medijuami daja. Eufrate waicuriya wuariyague pisiri medijuami. Igū eropa pisiricū iriya bojomerea wahabu. Abe muririro majarā oparā erā gamewejērā warā erā iriya taribujariboro dopa eropa iiami.

<sup>13</sup> Pūhrū urerā watēare tarumūrā iro dopa bejarāre ihabu. Yujugū tarubugū pīru pohecague árīdigū igū disirogue wirirami. Gajigū tarubugū watī nūgū majagū disirogue wirirami. Gajigū tarubugū watī daja “Goāmū yare weregū āhrra,” arī gūyadigū ya disirogue wirirami. <sup>14</sup> Eropirā erā urerā watēa tarumūrā iro dopa bejarā deyro moarire ii iħmurā āhrama. Eropirā árīpehrero majarā oparāre gamenerecū iama erā basi Goāmū mera gamewejēdorērā. Erā eropa gamewejēburinū Goāmū turatariagu árīpehrerāre igū dipuwaja moaburinū, pehreburinū árīroca.

<sup>15</sup> Ero coregue ōpa arīmi Jesu gūare: Īaque mūa. Yajari masū igū yajagū ariro dopa ta yū sā guñaña mariro arigūca. Yū ariborore ōaro coredigū mucubirigū árīgūcumī. Igū yaha árīburire iinigidigū ñeri marigū mucubirigūcumī. Yū mera árīgūcumī. Eropa iidigū árīgū yū dujaricū guhyasīrisome igū, arīmi Jesu gūare.

<sup>16</sup> Eropirā urerā watēa i yeba majarā tauro oparāre gamewejēcū iituhāma. Erā gamewejēro Hebreo ya disiro mera Armagedón waicūa.

<sup>17</sup> Seis anyua erā pisirira pūhrū daja gajigū anyu igū oparipa dicurire imica cururi weca pisiri medijuami daja. Igū eropa pisirira pūhrū Goāmū wihigue igū opu doarogue turaro wereniguiro carabu:

—Iripēta árīroca, arīro carabu.

<sup>18</sup> Igū eroparicū ta miamaa, bupu pamaa, gajiropa busūmaa, guhyaro yeba ñohmeabu. I yeba masa erā árīnūgara pūhrū eropa siari ñohmebirabu i yeba. Gajisubū ñohmediro tauro guhyaro yeba ñohmemaabu. <sup>19</sup> Eropa ñohmecū wuari macare Babilonia waicuri macare uħrema yehremaa wahabu. Eropiro paga macari i yeba árīri macari dija wahabu. Eropigu Babilonia waicuri maca majarāre wuari maca majarāre guñāmi Goāmū erāre dipuwaja moabu. Erā ñerire iiri dipuwaja erā mera turaro guāmi. Eropa guagu erāre burigā dipuwaja moāmi. <sup>20</sup> Igū eropa iicū árīpehreri nūgūri, utā yucū sā pehrea wahabu. Eropiro ne marabu. <sup>21</sup> Eropiro decoyeri pagayeri yūsariyeri yebague masa weca dijarabu. Árīpehreri decoyeri cuarenta kilo nūcūriyeri āhrrabu. Erā weca iri eropa dijaricū Goāmū erāre igū turaro dipuwaja moacū masirā ñero wereniguiama masa Goāmure.

### Ñerire iigore dipuwaja moadoregūcumī, arī werepū Ñu

**17** <sup>1</sup> Pūhrū siete parire oparā anyua mera majagū yū pohroque eragu ōpa arāmi yūre:

—Īagu arique. Diari bajayari weca doagore ūma mera ñero iiricūdigore Goāmū igū dipuwaja moaborore ĩagu arique mūhū. <sup>2</sup> I yeba majarā oparā



igo mera ñero iiro dopa ta igo yapure gamema. Goãmupure gamebirama. I yeba majaräre igo sihu merecũ iiro dopa ta, erã mera igo ñero iiro dopa ta igo masare ñero iirire ɯaribejacũ iimo igo. Eropa iigo árípehreri ñerire erã iicũ iimurimo igo masare, arĩ wereami anyu yure.

<sup>3</sup>Ígu eropa arĩra pũhrũ Espírиту Santo yure deyoro moarire ñacũ iiami. Eropigu anyu masa mariogue aĩ wahgãmi yure. Ero igo nomeore ñhabũ. Igo nũgu majagu diagu weca peyago ãhramo. Nũgu majagupũ ígu dupũ baja waĩ erã gojatudigu ãhrami. Iri waĩ ñeri waĩ Goãmure ñeri wereniguiri waĩ ãhrabũ. Eropigu siete dipucũgu, diez gohra cusaricũgu ãhrami nũgu majagu. <sup>4</sup>Eropigo nomeopũ ñaro yahsari suhri oparã erã sañarino suhri sañadigo ãhramo. Diari suhri sãre sañadigo ãhramo. Baja orore, wajacuri ɯtãre, perlayeri sãre tuhura suhriore sañadigo ãhramo igo. Eropigo oropare opãmo igo. Iripare dicuri ñeri igo iira ãhrabũ. Ñero iigo bũrigã ñero iidigo árímo igo. Iri ñeri Goãmũ ígu ñadiabirira ãhrabũ. <sup>5</sup>Igo diapo igo waĩ erã gojatudigo ãhramo. Iri waĩre ñaro masibea mari. Ópa arĩ gojatura ãhrabũ igo diapogue: “Wũari maca Babilonia ãhrimo. Igo árípehreri ñeri iinũgadigo ãhrimo. Árípehrero majarã erã ñerire, Goãmure erã gamebiririre iinũgadigo ãhrimo. Eropirã erã igore ñacurã ñetariaro iirã iima,” arĩ, igo diapore erã gojatudigo ãhramo. <sup>6</sup>Eropa igore ñagu igo bajarã Goãmũ yarãre igo wejẽdigo áricũ masiabũ yũhũ. Mererã erã mucubiro dopa ta igo erãre wejẽgo erã di cóacũ ñago mucubiridigo ãhramo igo. Jesure erã cóãbiriri dipuwaja erãre wejẽdigo ãhramo igo.

Igore ñagu, ñha ɯca wahaũ. <sup>7</sup>Eropigu ígu anyu arãmi yure:

—¿Duhpigu ñha ɯca wahari mũhũ? arãmi yure. —Mũ masibirirare mũre ñhmũgũra. Igo nomeore mũre weregũra. Igo peyagu sãre weregũra. Ígu nũgu majagu ãhrimi. Eropigu siete dipucũgu, diez cusaricũgu ãhrimi. <sup>8</sup>Ígu mũ ñadigu iribojegue áridigu árimi. Dohpague marimi ígu. Pũhrũ ígu ãhcãri gobegue áridigu wiriri dehyoagũcumi daja. Ígu eropa wiririra pũhrũ dederebu peamegue wagũcumi. I yeba majarã ígu dehyoacũ ñha ɯca wa, ñgure umupeorãcoma. I yeba áriboro core Goãmũ ígu yarã árimorãre erã waĩre gojatudigu árimi. Ígu gojatubirinirã ãhrima nũgu majagure umupeorã. Ígupũ iribojegue áridi árimi. Dohpaguepũre marimi. Pũhrũ dipaturi dehyoagũcumi daja. Eropirã masa ígu dehyoacũ ñarã, ñha ɯca warãcoma.

<sup>9</sup>“Dohpague yũ wereburire ñaro masidiarã, ñaro peerãca mũa, arĩnemoami yure daja. Eropirã pee masirã árique mũa. Nũgu majagu dipu, siete dipu siete ɯtã yucũ iro dopa ãhraa. Iri ɯtã yucũ weca peyamo igo ñero iiricũgo. <sup>10</sup>Iri dipu siete oparã sã iro dopa ãhraa. Bajarã masa tauro oparã ãhrima. Cinco oparãre cóãtuhama. Gajigu erã pũhrũ árigũ opũ ãhrimi dohpague. Gajigupũ pũhrũ opũ ñajagũcumi. Eropa ñajagu merogã opũ árigũcumi ígu. <sup>11</sup>Eropigu nũgu majagu diagu core áridigu, dohpague marigu erã siete oparã pũhrũ opũ árigũcumi. Siete oparã mera majagu ãhrimi. Pũhrũ peamegue dederea wagũcumi.

<sup>12</sup>“Nũgu majagu cusari diez cusari diez oparã iro dopa ãhraa. Bajarã masa tauro oparã ãhrima. Erã oparã ñajanibeama dohpa. Pũhrũgue oparã ñajarã merogã

opará árirãcoma. Yoari boje opará áridoresome erãre. Eropa opará árirã nugu majagu mera opará árirãcoma. <sup>13</sup>Erã diez opará yujuro mera pepirã árirãcoma. Eropirã erã nugu majagure erã ya yebari majarã tauro opu acurãcoma. <sup>14</sup>Eropirã Cordero mera gamewejẽ warãcoma erã. Erã eropa gamewejẽquerecũ ta Cordero ïgu beyenirã mera ïgure ne cóabirinirã mera erãre tarinugarácoma. ïgu áripehrerã gajirã tauro opu áhrimi. Eropigu erãre tarinugagucumi,” arãmi anyu yure.

<sup>15</sup>Ire yure werenemoami anyu:

—Ñero iiricũgo maũri weca doago iimo. Iri maũri õpa iro dopa áhrra: Baja yebari majarã, baja cururi majarã, baja disiri wereniguirã iro dopa áhrra iri maũri. Erã bajarã weca áhrimo ïgo. <sup>16</sup>Nugu majagu, diez opará mera ñero iiricũgore ïhaturirãcoma. Erã diez opará nugu majagu mera ïgore goroweopeho ïgo yare emapehocã, suhri marigo cóarãcoma ïgore. Eropa iirã ïgo dũpũre barãcoma. Erã eropa iira pũhrũ ïgore soepohocãrãcoma. <sup>17</sup>Erã diez opará yujuro mera pepirã nugu majagure erã ya yebari majarã tauro opu acurãcoma. Erã eropa iicũ apimi Goãmũ ïgu gamediro dopa ta iibure. Eropigu nugu majaguru opu árigucumi. Áripehreri Goãmũ ïgu iriõjegue ïgu werediro dopa ta ïgu iira pũhrũ nugu majagure cóagucumi. <sup>18</sup>Ïgo mũ ïadigo mera õpa arĩ buhema: Ïgo wũari maca Babilonia waicũri maca iro dopa áhrimo. Áripehrerã gaji macari majarã tauro áhrima iri maca majarã, arãmi anyu yure.

#### Babilonia waicũri maca cohmyoro

**18** <sup>1</sup>Pũhrũ gajigu anyure umarogue dijarigure ïhabũ. ïgu opu gohra áhrami. Eropigu ïgu gosesiriri áripehrerogue ñero boyoro wahabũ. <sup>2</sup>Ïgu eropa dijara pũhrũ turaro gaguinigu wereami:

—Cócãmi. Babilonia waicũri macare wũari macare iri maca majarã sãre cócãmi. Dohpague watẽa bajarã ñerã dũpũ deyobirã sã iri maca mũraro árirã iima. Ñerã mirimagũ porã majarã sã masa erã ïha doorã iri maca mũraro árirã iima. <sup>3</sup>Iri maca majarã mũra áripehreri yebari majarãre goroweonirã árima. Eropirã baja yebari majarã tauro opará iri maca majarãre pee Goãmũre cóãmirã árima. Erã ñeri uaribejarire iidiarã cóãmirã árima Goãmũre. Iri maca majarã baja gajinore wajapagari duarire gamenirã árima. Eropirã gaji macari majarã erãre duarã pagari dihta wajanirã árima, arĩ wereami anyu.

<sup>4</sup>Pũhrũ dipaturi umarogue wereniguicũ peeabũ. Õpa arĩro carabũ iri macare cóãboro core ïgu wereniguirire:

—Mũa yaharã, iri maca majarã mera áribiricãque mũa. Iri maca majarã mera mũa áricũ mũa sãre dipuwaja moagucumi. Eropirã iri macague ñero iirire ïhacũbiricãque. <sup>5</sup>Ero ñero iira baja áricã. Iri maca majarã yoari boje bũrigã ñerire iituhajama. Eropigu yũhũ Goãmũ iripẽta erã ñero iicũ gahmea. Eropigu erãre dipuwaja moagũca. <sup>6</sup>Iri maca turaro dipuwajacũporo. Ero majarã masare erã ñero iidiro dopa ta erã sãre ñero taricũ iiporo. Masare erã ñero iidiro dopa ta erã tauro erãre ñero dipuwaja moaporo, arĩro carabũ. <sup>7</sup>Iri maca majarã “Õarã áhrra gũa,” arĩ pepirima. Eropa arĩ pepirã, wajapagarire wũaro opãma

erã. Erã wajapagarire wuaro erã oparopẽ ta turaro ñero taricũ iiporo. Eropirã erãre bujawerecũ iiporo. Erã basi õpa arĩ pepirima erã: “Gua i yeba majarã oparã árĩrã iiaa. Mojomorocurã árĩbeaa. Eropirã ne ñero tarisome gua,” arĩ pepirima erã. <sup>8</sup>Eropa arĩ erã pepirã árĩcũ yujunũ erãre guñaña mariro dipuwaja moaburĩnũ árĩroca, arĩro carabũ. Irĩnũ sĩriri, dorecũri, co ooreri, oaboari árĩroca. Eropigũ iri macare soepehocãgucumi, arĩro carabũ. Mũa opu Goãmũ iri macare dipuwaja moadoregu turatariagu àhrimi. Eropigũ eropa ta igũ arĩdiro dopa ta iri macare dipuwaja moadoregucumi, arĩro carabũ umarogue.

<sup>9</sup>Eropirã Goãmũ iri macare igũ dipuwaja moacũ ìha i yeba majarã oparã burigã bujawere oererãcoma. Erã iri maca majarã mera ñerire iirã õaro mucubirirã árĩmũrinirã árĩma. Eropirã iri maca ùjucũ ìarã oererãcoma erã. <sup>10</sup>Igũ iri macare eropa soecũ ìarã oparã gaji yeba majarã yoarogue ìhabeoniguirãcoma gua sãre dipuwaja moari arĩrã. Ero ìhabeoniguirã õpa arĩrãcoma:

—Ade. Mojomorocuri maca àhraa Babilonia. Si maca wuaro maca turari maca árĩrabũ. Mata yojaro mera si macare dipuwaja moami, arĩrãcoma erã.

<sup>11</sup>I yeba majarã doberi duarã iri maca ùjucũ ìarã burigã bujawere oererãcoma erã sã. Iri maca pehrecũ ìarã, erã ya doberire asũrã maricũ ìarã bujawere oererãcoma. Eropirã oererãcoma. <sup>12</sup>Erã aigãrirare, oreore, platare, wajacuri utãre, perla waĩcũri dipu sãre asũrã marirãcoma. Eropi gaji erã aigãrirare suhri õarire wajapagarire, yahsari suhrire, oparã erã sañari suhri dopa bejarire, seda waĩcũri suhrire, diari suhrire asũrã marirãcoma. Eropi gaji erã aigãrirare yucũ poresuri yucũre asũrã marirãcoma. Eropi gajire erã aigãrirare marfil waĩcũri mera erã iirare, wajacuri yucũ mera erã iirare, bronce mera erã iirare, come mera erã iirare, marmol mera erã iirare asũrã marirãcoma. <sup>13</sup>Eropi erã aigãrirare canela waĩcũrĩre, gaji bari usũricũ iirire, inciensore, mirra waĩcũri poresurire, gaji poresurire asũrã marirãcoma. Eropi gaji erã aigãrirare vinore, uyuere, trigo pogare, trigore, wecuare, ovejare, cabayuare, tũruri gasire, pohro majarãre asũrã marirãcoma. Eropirã bujawererãcoma doberi duari masa.

<sup>14</sup>Eropirã õpa arĩrãcoma erã iri maca majarã mũrare:

—Ade. Ñetariaro wahari erã. Árĩpehreri erã mahira mũra pehrea wahaa. Eropiro árĩpehreri erã õarire erã wajapagari opara pehrea wahaa. Eropirã iri dipaturi bocasome mari, arĩrãcoma doberi duari masa.

<sup>15</sup>Erã iri macare doberi duarã wuaro wajatamũrinirã árĩma. Eropirã erã iri macare yoarogue ìhu niguirãcoma gua sãre dipuwaja moari arĩrã ucarã. Eropa ìhabeorã iri macare burigã bujawere oererãcoma. <sup>16</sup>Õpa arĩrãcoma iri macare:

—Ade. Ñetariaro wahaa iri maca wuaro maca. Si maca majarã õarire opamũririma. Nomeo õari suhrire, wajapagari suhrire, yahsari suhrire, diari suhri sãre sañago dopa õarire opamũririma. Eropirã oro wajapagari utã, perla dipu waĩcũri tuhura suhriro sañamũrima. Wuaro opamũrima si maca majarã. <sup>17</sup>Eropiro mata si maca wuaro dobericũri maca dederea wahaa, arĩrãcoma iri macare.

Eropirã árîpehrerã dohori gasi mera curirã, iri gasi oparã, erã ũma, gajirã wuariyague mohme wajatarã sã iri macare yoarogue İhu niguirãcoma erã sã. <sup>18</sup>Ero İhabeorã iri macare ũjucũ İarã ōpa arı gaguiniguirãcoma:

—Paga macari si maca iro dopa árîri macari ne gaji maca mara, arı gaguiniguirãcoma erã. <sup>19</sup>Eropa bujawererã árîrã erã dipu weca nicure ñaji peorãcoma. Eropirã co orerã ōpa arırãcoma:

—Ade. Ñetariaro wahaa si maca muraro. Ōari maca árîribũ. Árîpehrerã dohori gasi oparã wuariyague curirã si maca maja doberi mera ōaro wajataribũ mari. Eropiro mata si maca dederepheha wahaa, arırãcoma gasi majarã, arı werero carabũ yũre ũmarogue.

<sup>20</sup>—Iri macare İgu cõacũ İarã mucubirique mũa, ũmaro majarãpũ, arıro carabũ. —Goãmũ yarã, Jesu İgu apinirã, İgu yare weremuhtanirã árîpehrerã mũa mucubirique. Iri maca majarã mũare ñero taricũ iima. Erã eropa iira dipuwaja, dipuwaja moami Goãmũ. Eropirã mucubirique mũa, arıro carabũ.

<sup>21</sup>Eropa arı wereniguirare peera pũhrũ ōpa İhabũ yũhu. Turagu anyu wuariye utãyere aĩ wahgũ, wuariyague mehyuami. Eropa mehyugũ ōpa arãmi: —İye utãye yuriñajadiro dopa ta wuari maca Babilonia waĩcũri maca turaro yuhridijaro busuroca. Eropa yuhridijara pũhrũ iri macare dipaturi İasome mũa. <sup>22</sup>Iri macare dederea wacũ iigucumi. Eropiro ne iri macare bayarire mũa peediro dopa árİsome. Arpa buamutẽri, flauta dipurure, corneta sãre ne dipaturi peeya mariroca. Eropirã iri maca maricũ ero mohmenirã dipaturi erore mohmesome. Eropiro trigo yeri utã mera erã oera sã ne peeya mariroca. <sup>23</sup>Iri maca boyo oyadiro dopa ne árİsome. Eropirã mojoto dirinirã erã mucubiri wereniguidiro dopa ne dipaturi árİsome. Iri maca majarã doberi duarã asũrã mera gajirã tauro opamũrima erã. Eropirã iri maca majarã yeea erã purisiriri mera árîpehrero majarãre gũyamũrima. Eropirã ñerire uaribeja, Goãmũpũre gamebirimũrima masa, arãmi yũre turagu anyu.

<sup>24</sup>Iri maca majarã Goãmũ yare weremuhtanirãre gajirã İgu yarã sãre árîpehrero majarãre wejẽmurinirã árİma. Erã eropa wejẽra dipuwaja, gaji ñero iira dipuwaja sãre dipuwaja moãmi Goãmũ iri macare.

**19** <sup>1</sup>Babilonia macare İgu cõarare yũ İara pũhrũ ũmarogue bajarã gaguiniguirã carama yũ peecũ. Ōpa arı gaguiniguirã carama: Aleluya. Goãmũre ōaro wereniguirã. Goãmũ marire taugu aħrimi. İgure ōaro umupeorã. Turatariagu aħrimi İgu. <sup>2</sup>Gũyaro mariro queoro iigu masare dipuwaja moami İgu. Ñeri dipuwaja moorãre erãre dipuwaja moabeami. Igo nomeo ñerire iiricũgo Babilonia waĩcũri maca aħrimo. Iri maca majarãre İhacũrã i yeba majarã ñero iimũrima. Eropigu iri maca majarãre dipuwaja moami Goãmũ. Eropigu İgu dorerire iinirãre İgu pohro majarãre erã wejẽra dipuwaja dipuwaja moami İgu, arı gaguiniguirã carama.

<sup>3</sup>Dipaturi gaguiniguirã carama daja:

—Aleluya. Goãmure òaro wereniguirã. Iri maca ñero iira maca ïgu soera maca eropa imicacũniguiçãroca, arĩ gaguiniguirã carama.

<sup>4</sup>Eropirã veinticuatro Jesu yarã oparã, wapiçurã gajiropa bejarã mera mereja, Goãmure mari Pagure ïgu doaro doagure umupeoama. Òpa arĩ umupeoama erã: —Amén. Aleluya. Eropa àhraa. Mari Pagure òaro wereniguirã, arãma erã.

<sup>5</sup>Pũhrũ opu doarogue òpa arĩro carabu:

Mari Opu Goãmure umupeoque. Mũa ïgu pohro majarã, ïgure umupeorã bu árĩrã, oparã sã árĩpehrerã mũa ïgure òaro wereniguique, arĩro carabu.

### **Cordero ïgu mojoto diriburinu bosenure werepu Ñu**

<sup>6</sup>Pũhrũ bajarã masa erã wereniguirã cacacũ peeabu. Erã utãmu iro dopa bupu iro dopa bũsurã carama yũ peecũ. Òpa arĩ gaguiniguirã carama:

Aleluya. Goãmure òaro wereniguirã. ïgu mari Opu opu ñajatuhami.

Turatariagu àhrimi ïgu. <sup>7-8</sup>Cordero ïgu mojoto diriburi bosenu àhraa

dohpaguere. ïgu mojoto diribo òaro amudigogue àhrimo. Igo òari

suhrirore guhrari mariri suhrirore sañatuhamo. Iri suhriro Goãmũ

yarã òarire erã iira iro dopa àhraa. Eropirã mucubirirã mari. Goãmure

“Òtariagu àhrimi,” arĩ umupeorã mari ïgure, arĩ wereniguirã carama.

<sup>9</sup>Erã eropa arĩra pũhrũ anyupu arãmi yũre:

—Ire goja aĩque. “Cordero ïgu mojoto diriri bosenure ïgu sihubeonirã mucubirirã àhrima,” arĩ goja aĩque, arãmi yũre anyu.

Eropa arĩgu ta òpa arĩnemoami:

—Diaye ta àhraa i yũ werera. Goãmũ ya wereniguirã àhraa, arĩnemoami yũre.

<sup>10</sup>ïgu eroparicũ peegu ïgure mereja umupeobu iirabu. Yũ merejacũ gohra òpa arãmi yũre:

—Yũre mereja umupeobita. Mũ árĩro dopa ta Goãmũ pohro majagu ta àhraa yũ sã. Mũ acawererã Jesu yarã árĩpehrerã ïgu ya buherire werenirã iro dopa yũ sã Goãmũ pohro majagu àhraa. Eropigu Goãmũpũre mereja ïgũpũre umupeoque, arãmi yũre anyu.

Goãmũ yare weremũhtanirã iribojegue majarã Espĩritu Santo ïgu itamuro mera Jesu ya buherire ta wereyuũuma.

### **Cabayu boregu weca peyagure werepu Ñu**

<sup>11</sup>Pũhrũ umaro pãrimaacũ ìhabũ. Ero cabayu boregu àhrami. ïgu weca peyagu òpa waĩcũami: ïgu arĩro dopa ta iigu diaye iigu waĩcũami ïgu. Eropigu

masare dipuwajare moagu ïgu ìhaturirã mera gamewejẽgu òaro guýaro mariro

iiami. <sup>12</sup>ïgu cuiiri peame porã iro dopa àhrabu. Eropiro ïgu dipuru weca baja

oparã peyari berori àhrabu. Eropigu ïgu dupure ïgu waĩre gojatudigu àhrami. Iri

waĩre ïgu dihta masiami. Gajirã masibirama. <sup>13</sup>ïgu sañariĩne yoariĩne di tuyariĩne

àhrabu. ïgu òpa waĩcũami: Goãmũ ya wereniguirã weregu waĩcũami ïgu.

<sup>14</sup>Eropirã ïgu yarã surara umarogue majarã ïgure nũrusiãma. Borerã cabayua

weca peyarã àhrama. Òari suhriro berori suhriro, guhrari mariri suhriro sañanirã

ãhrama. <sup>15</sup> Ìgũ erã opu wamũhtadigũ ìgũ disiro ñoserimiji usirimiji cuñuami. Irimiji i yeba majarãre ìgũ tarinũgaburimiji ãhrabu. Eropigũ ìgũ turari mera ìgũ dorecũ ne yujugũ ìgũre tarinũgagu ìgũre bocatiusome. Igui dipurure erã ñatĩacũ igui deco wiriro dopa ta i yeba majarã ñerãre di wiriroca ìgũ erãre dipuwaja moacũ. Goãmũ erã mera guami. Ìgũ eropa guagu áricũ cabayua weca peyagu dipuwaja burigã moagucumi. <sup>16</sup> Ìgũ suhriro, ìgũ ñigagu sãre iri waĩre gojatudigũ ãhrami: “Árĩpehrerã gajirã tauro opu waĩcumi,” arĩ gojatudigũ ãhrami.

<sup>17</sup> Pũhrũ abegue niguigũre anyu niguigũre ìhabũ. Árĩpehrerã umarogue wũnrãre goro porã majarãre gaguiniguibeoami ìgũ. Òpa arĩ turaro gaguiniguibeoami erãre:

—Gamenererã arique. Goãmũ ìgũ bosenu wũari bosenu barã arique. <sup>18</sup> Baja yebari majarã tauro oparã mũrare, surara oparã mũrare, surara bajarã mũrare, cabayua mũrare, erã weca peyarã mũrare, árĩpehrerã gajirã masa mũrare, pohro majarã mũrare, pohro majarã áribirã mũrare, gajirã oparã mũrare, bu árirã mũrare barã arique. Erã árĩpehrerã dũpu mũrare barã arique, arĩ gaguiniguibeoami anyu goro porã majarãre.

<sup>19</sup> Eropigũ nũgu majagure, i yeba majarã tauro oparã erã surara bajarã sãre ìhabũ. Erã gamenerenirã ãhrama cabayu weca peyagu mera ìgũ surara bajarã mera gamewejẽmorã. <sup>20</sup> Erã eropa gamewejẽcũ cabayu weca peyagu nũgu majagure peresu iiami. Gajigũ “Goãmũ yare wereniguigu ãhrea,” arĩ gũyadigũ sãre peresu iiami. Ìgũ gũyadigũpu nũgu majagu ìgũ ìhuro deyoro moarire iibasadigũ ãhrami. Ìgũ deyoro moari mera nũgu majagu ìgũ waĩre tuyanirãre, ìgũ masũ wéadigũre umupeorãre gũyadigũ ãhrami. “I Goãmũ ya ãhrea,” arĩgũ gũyamuridigũ ãhrami. Erãre perãre ìgũ peresu iira pũhrũ erãre ojocarirãre ta peamegue cõhãmi. Iri peame wũariya iro dopa wũari peame azufre mera ùjuri peame ãhrabu. <sup>21</sup> Eropigũ duhyarãre erã surara árinirãre ñoserimiji mera ìgũ disiro cuñurimiji mera wejẽami cabayua weca peyagũpu. Eropa ìgũ wejẽra pũhrũ goro porã majarã erã dũpu mũrare barã yapitaria wahãma.

**Mil bojori gohra Cristo ìgũ yarã mera masare doregucumi, arĩ gojañumi Ñu**

**20** <sup>1</sup> Pũhrũ gajigũ anyu umarogue ìgũ dijericũ ìhabũ. Ùhcãri gobe maja sawire, wũarida comeda sãre opãmi ìgũ. <sup>2</sup> Eropa dijorigũ pĩrure ñeãmi ìgũ. Ìgũ pĩru iribojegue pĩru dũpũcũgu árigũ, watĩ Satana waĩcũgu ãhrami. Ìgũre ñeagu dihriami mil bojori gohra peresu iibu. <sup>3</sup> Eropa dirituha ùhcãri gobegue cohã dijuami ìgũ i yeba majarãre mil bojori gohra ìgũ gũyamasibiriborore. Eropa cóãtuhagu iri gobere biha, sawi biacãmi. Eropigũ mil bojori pũhrũ dipaturi ìgũre bajamenurigã wiunigucumi daja.

<sup>4</sup> Pũhrũ oparã doarire ìhabũ. Iri doarire doarã sãre ìhabũ. Erãre masare erã beyedoborore apiami Cristo. Gajirã sãre ìhabũ. Erãpu Jesu yare Goãmũ yare erã werera dipuwaja erãre dipure tabe cóãnirã ãhrama. Nũgu majagure, ìgũ wéadigũ sãre ne umupeobirirã ãhrama. Eropirã erã diaporire erã mojotori sãre ìgũ waĩre gojatudorebirirã ãhrama erã. Eropirã gajirã erãre wejẽnirã

áríma. Eräre wejëra pũhrũ masa mũria wanirã áríma. Masa mũriarã erã mil bojori gohra Cristo mera oparã árírãcoma. <sup>5</sup>Gajirã Cristo yarã sîrinirã mũra masa mũrianibirama dohpa. Erã wejenirã erã masa mũriara pũhrũ mil bojori oparã erã áríra pũhrũ gajirã sã masa mũriarãcoma. Eropirã erã wejënerã mũra Cristo pũhrũ masa mũriamũhtarã árírãcoma. <sup>6</sup>Ïgũ masumũhtanirãpũ turaro mucubirirã árírãcoma. Ñeri marirã árírãcoma erã. Eropirã peamegue wasome erã. Eropirã Goãmũ yare Cristo yare erã sã serēbasarã pahia árírãcoma erã. Eropirã erã masa mũriamũhtarã mil bojori gohra Cristo mera masa tauro oparã árírãcoma.

### Satana dederea wagũcumi, arĩ gojañumi Ñu

<sup>7</sup>Mil bojori pũhrũ Satanare peresu árĩgũre wiugũcumi. <sup>8</sup>Ïgũ eropa wirira pũhrũ árĩpehrero i yeba majarãre gũyagũ wagũcumi ïgũ, “Ina gamewejërã warã,” arĩgũ. Gog waĩcũrãre, Magog waĩcũrã sãre gũyagũ wagũcumi. Eropirã erã ïgũ gũyarire peerã, erã surara majarãre gameneorãcoma gamewejẽmorã. Erã surara majarã bajarã gohra árírãcoma. Wũariya maja imipa árĩro ıtãburuyeri nũcu dopa erã surara bajarã árírãcoma

<sup>9</sup>Eropirã i yebaguere wasirirã, Goãmũ yarã erã árĩri macare Goãmũ ïgũ mahiri macare cãhmotanũgajarãcoma. Erã eropa cãhmotanũgajara pũhrũ Goãmũ erãre ımaro maja peame mera soe mehdijucãgũcumi.

<sup>10</sup>Eropa wara pũhrũ watĩre erãre gũyagũre peamegue cõãgũcumi. Iri peame wũariya iro dopa árĩri peame azufre mera ıjũri peame ãhrabũ. Eroque nũgũ majagũre “Goãmũ yare weregũ ãhraa,” arĩ gũyagũre cõãtuhajami. Ero erã árĩcũ ımũri nũcu pũriroca erãre.

### Masare Goãmũ dipuwaja moatugũcumi, arĩ gojañumi Ñu

<sup>11</sup>Pũhrũ wũaro opu ïgũ doarore õaro borero ïhabũ. Iri doaro weca doagũ sãre ïhabũ. Eropiro ïgũ árĩrogue mata i yeba ımaro sã dederea wahabũ. Ne deyobirabũ pare. <sup>12</sup>Eropigũ opu pohro sîrinirã mũra erã niguicũ ïhabũ. Erã bu árĩrã, oparã mũra sã ãhrama. Ero erã niguicũ ïgũ gojaturapũrire pãgũami. Iripũri masa erã iirare ïgũ gojaturapũri ãhrabũ.

Eropigũ ïgũ opu beyegũ iripũre ïatuha erã iirare masiami. Irire masigũ sîrinirãre beyeami ñerã, õarã. Pũhrũ gajipũ sãre pãgũami. Iripũ Goãmũ mera eropa árĩniguimorãre erã waĩre erã gojaturapũ ãhrabũ.

<sup>13</sup>Wũariyague miri sîrinirã mũra, diague erã cõãnirã mũra sã masa mũria wahãma. Eropirã yeba pohecague árĩnirã mũra, sîrinirã erã árĩrogue árĩnirã mũra sã masa mũria wahãma. Erã eropa mũrijacũ ero doagũ erã iirare masigũ erãre beyeami. Óarãre, ñerãre beyeami. <sup>14</sup>Pũhrũ sîririñere, sîrinirã erã árĩro sãre cõãcãmi Goãmũ dipaturi mari sîribiriboro dopa. Peamegue irire cõãcãmi. Iri peame wũariya iro dopa árĩri peame ãhrabũ. Goãmũre gamebirãpũ peamegue warã dipaturi sîrirã dopa wahama.

<sup>15</sup>Eropigũ ïgũ mera árĩniguimorã erã waĩre Goãmũ ïgũ gojaturapũ árĩpehrerã gojatusũya marirãpũre peamegue cõhãmi ïgũ.

Umáro, yeba sãre mamare gohrotogucumi Goãmũ, arĩ gojañumi Ñũ

**21** <sup>1</sup>Pũhrũ umáro, yeba sãre mamare ĩgu gohrotorare ĩhabũ. Árimũntara mũra umáro, yeba, pagayari sã pehrea wahabũ. Marabũ. <sup>2</sup>Eropĩgu yũhũ Ñũ òari macare, mama macare Jerusalén waĩcũri macare ĩhabũ. Iri maca umarogue Goãmũ pohrogue dijariçũ ĩhabũ. Òaro dehyoabũ iri maca. Mojoto diribo ĩgo marapũre mucubiriborore òari suhri sã ĩgore òaro amuro dopa àhrabũ iri maca. Òpa iro dopa ta iri macare amuyudi árimi Goãmũ ĩgu yarãre mucubiricũ iibu. <sup>3</sup>Irire yũ ĩara pũhrũ opũ doarogue gaguiniguicũ peeabũ:

—Ĩaque. Dohpaguere masa watope áriũgu iimi Goãmũ. Erã mera áriũgucumi ĩgu. Eropirã ĩgu yarã áriĩrãcoma erã. Eropĩgu Goãmũ ĩgu basi erã mera majagu áriũgu, erã yagu Goãmũ áriũgucumi. <sup>4</sup>Eropĩgu eropa mucubiriniguicũ iĩgucumi ĩgu erãre. Eropirã dipaturi bujaweresome erã. Eropirã ne dipaturi sírisome erã. Ne ñero síporãcũri, co oreri, pũriri sã mariroca erãre. I áriĩpehreri iribojegue maja pehrea waroca erãre, arĩ gaguiniguĩgu carami.

<sup>5</sup>Pũhrũ opũ doarogue doagu òpa arãmi:

—Ĩaque. Áriĩpehrerire mama gohrotocũ iĩguca, arãmi.

Ĩgu eropa arĩra pũhrũ yũre òpa arãmi daja:

—Yũ arĩrire goja aĩque. Yũ arĩri diaye ta àhraa. Eropiro yũ arĩdiro dopa ta eropa waroca. Eropĩgu yũ arĩrire goja aĩque, arãmi yũre.

<sup>6</sup>Pũhrũ òpa arãmi daja yũre:

—Iripẽta áriica. Yũ áriĩpehrerire ĩhacũnugudigu àhraa. Eropĩgu áriĩpehrerire pehrecũ iibu àhraa daja. Ñemesiburã erã turaro ihridiario dopa ta yũ pohrogue wadiarã Jesure gamerãcoma. Eropirã Jesure yũhrĩrãcoma. ĩgu ojocaririre oro deco iro dopa àhrimi. ĩgure gamerãre waja gamero mariro yũ mera eropa áriĩnguĩborore ogara erãre. <sup>7</sup>Áriĩpehrerã ñero tariquererã yũre umupeoduhubirãre òpa iigura: Erã Goãmũ áriũgura. Eropirã erãpũ yũ porã áriĩrãcoma. <sup>8</sup>Erã eropa áriĩquerecũ masare gũĩ yaharare duhurã, yahare gamebirã, ñetariarire iirã, masare wejẽrã, nome mera ñero iirã, ũama mera ñero iirã nome, yeea, goãmarã wéanirãre umupeorã, áriĩpehrerã gũyarã peamegue warãcoma. Ero wũariya iro dopa áriĩri peame azufre mera ùjuri peame àhraa. Erogue warã dipaturi erã síriro dopa ta warã iirãcoma, arãmi yũre.

### Mama maca Jerusalénre werepũ

<sup>9</sup>Pũhrũ yũjugũ anyu yũ pohrogue erãmi. ĩgu siete pari opanirã mera majagu àhrami. ĩgu dipuwaja moadoregũ ĩgu apinirã mera majagu sã ĩgu anyua mera majagu àhrami. Eropa eragu òpa arãmi yũre:

—Ĩagu ariique. Cordero ĩgu mojoto diribore ĩhmuũca mũre, arãmi anyu yũre.

<sup>10</sup>Eropĩgu Espĩritu Santo yũre Goãmũ ya macare ĩacũ iiami. Eropĩgu ũamadigu ũatãgu wecague yũre aĩ mũriãmi. Erogue Goãmũ ya macare Jerusalénre òari macare ĩhmuami yũre. Iri maca ĩgu mojoto diribo iro dopa àhrabũ. Goãmũ pohrogue ũamarogue dijariro iiabũ iri maca. <sup>11</sup>Goãmũ ĩgu gosesiriri mera



gosesiriabũ iri maca. Wajacũri utã iro dopa gosesiriabũ. Jaspe waĩcũri utã gosesiuro dopa gosesiriabũ. Eropiro vidrio iro dopa õaro deco sũriabũ iri maca. <sup>12</sup>Eropiro wũari sãriro umari sãriro erã sãri sãra maca ahrabũ. Doce gohra disiporicuabũ iri sãriro. Iri disiporore cohreama anyua. Iri maca disiporori bihariserigue Israe masa cururi doce cururi nucũ erã waĩ tuhyabũ. <sup>13</sup>Abe muriroropũ iri sãriro opabũ uhre disiporo. Surpũ uhre disiporo opabũ. Nortepũre uhre disiporo opabũ. Abe ñajaropũ sãre uhre disiporo opabũ. Áripehrero doce disiporori gohra opabũ iri sãriro. <sup>14</sup>Iri sãriro doce utã weca peyabũ. Iri utã nucũ Cordero igũ apinirã doce igũ apinirã gua yujurãyeri waĩ tuhyabũ.

<sup>15</sup>Eropigũ anyu yũre weregũ queodigũ oro mera erã iidigũre opãmi. Iri macare, iri maca maja disiporori sãre, iri sãriro sãre queobu iiami. <sup>16</sup>“Iri maca yoaropẽ ta ehya,” arãmi queotuhagũ. “Umaro sã iripẽta umaa,” arãmi. Eropigũ anyu igũ queodigũ mera iri macare queoami. Iri maca dos mil doscientos kilómetros yoari maca ahrabũ. Iripẽta ehvari maca ahrabũ. Iripẽta umaro ahrabũ. <sup>17</sup>Eropigũ iri maca maja sãrirore queoami anyu. “Sesenta y cuatro metros umaa,” arãmi. Mari masa queoro dopa ta queogũ iiami igũ.

<sup>18</sup>Iri sãriro jaspe waĩcũri utã mera igũ iira sãriro ahrabũ. Eropiro iri macapũ oro mera igũ iira maca ahrabũ. Iri oro guhrari mariri áriro õaro deco sũriabũ. <sup>19</sup>Iri sãriro doca áriro utãre baja gajiropa áririyeri tuhyabũ õaro deyoboro dopa. Iriyeri wajapagariyeri ahrabũ. Iriyeri tuyara utã sãriro doca oyari utã doce utã ahrabũ. Árimũhtari yegue jaspe waĩcũri utãyeri tuhyabũ. Iriye pũhrũ maja yeguere safiro waĩcũri utãyeri tuhyabũ. Peye pũhrũ maja yeguere ágata waĩcũri tuhyabũ. Uhreye pũhrũ yeguere esmeralda waĩcũri utãyeri tuhyabũ. <sup>20</sup>Wapicũriye utãye pũhrũ maja yeguere ónice waĩcũri utãyeri tuhyabũ. Yuju mojotocũ maja pehreri utã pũhrũ maja yeguere cornalina waĩcũri utãyeri tuhyabũ. Seis pũhrũ majaye utãyeguere crisólito waĩcũri utãyeri tuhyabũ. Siete pũhrũ áririye utãyeguere berilo waĩcũri utãyeri tuhyabũ. Ocho pũhrũ áririyeguere topacio waĩcũri utãyeri tuhyabũ. Nueve pũhrũ áririyeguere crisoprasa waĩcũri utãyeri tuhyabũ. Diez pũhrũ áririyeguere jacinto waĩcũri utãyeri tuhyabũ. Once pũhrũ áririyeguere amatista waĩcũri utãyeri ujutuyabũ. <sup>21</sup>Eropiro doce disiporori doce perla mera igũ iiraseri ahrabũ. Iriseri nucũ yujuye perlaye mera igũ iira dihta ahrabũ. Eropiro iri maca wari maha oro mera igũ iira maha ahrabũ. Iri oro guhrari mariri oro ahrabũ. Eropiro õaro deco sũriri maha ahrabũ iri maha.

<sup>22</sup>Iri macare Goãmũ wihire ñabirabũ. Marabũ. Iri maca áripehrerogue mari Opũre Goãmũ turatariagũre, Cordero sãre umupeoama masa. Eropiro iri maca áripehrero Goãmũ ya wihi iro dopa ahrabũ. <sup>23</sup>Eropigũ iri maca Goãmũ igũ gosesiriri mera õaro boyoabũ. Cordero sã sihãgodiru iro dopa boyoami. Eropirã abe umũ majagũ sãre ñami majagũ sãre ero boyocũ gamebirama. <sup>24</sup>Eropirã i yeba majarã Goãmũ Cordero sã boyori mera áriřãcoma Goãmũ igũ taunirã. Eropirã áripehreri yeba majarã oparã iri macague õatariari erã oparire airã erarãcoma. <sup>25</sup>Eropiro umũre iri maca maja disiporori pãgũra disiporori áriroca. Eroguere ne ñami mariroca. Eropirã iri disiporore ne bilhasome. Eropiro toyoniguia. <sup>26</sup>Eropirã

baja yebari majarā ōarire erā oparire iri macague aĩrā erarācoma. <sup>27</sup>Neripure iri macaguere ne aĩsome. Guhyasĩricũ iirā, ñerire iirā, ne iri macaguere wasome. Guyarā sã wasome. Cordero ĩgu gojarapũ erā wai gojatusũnirā dihta iri macaguere warācoma. Iripũ ĩgu taurā erā waĩre ĩgu gojaturapũ āhraa. Iripũgue erā wai gojatusũnirā eropa árĩnigucārācoma ĩgu mera.

**22** <sup>1</sup>Pũhrũ ōariyare ojocaricũ iiriyare ĩhmuami yũre anyu. Iriya deco sũririya Goãmũ, Cordero sã erā doarogue aririya āhrabũ. <sup>2</sup>Eropiro iri maca deco yuriabũ iriya. Iriya pepũri masegue ojocaricũ iiri yucũ niguiabũ. Iri yucũ aberi nũcũ dũcacũa. Yuju bojorire doce suburi dũcacũa. Eropirā iri yucũ maja pũri mera ōaro oocũrācoma masa i yeba majarā. <sup>3</sup>Iri macare ne pũriri mariroca. Iri maca Goãmũ ĩgu opũ árĩro árĩroca. Cordero ĩgu opũ árĩro sã árĩroca iri maca. Eropirā ĩgu pohro majarā árĩrā ĩgu pohro mereja ĩgũre umupeorācoma. <sup>4</sup>Erā Goãmũre ōaro ĩanigucārācoma. Eropirā erā diaporire erā ĩgu waĩre tuyasũrā árĩrācoma. <sup>5</sup>Eroguere ñami ne mariroca. Eropirā sihāgori dipurure gamesome ero árĩrā. Abe ĩgu boyocũ sãre gamesome. Mari Opũ Goãmũ ĩgu boyoro árĩroca. Eropirā iri maca árĩrā gajirā tauro oparā eropa árĩniguirācoma.

**Jesucristo i yebague ĩgu dujariboro merogã dũhyaa, arĩ gojañumi Ñu**

<sup>6</sup>Pũhrũ anyu yũre ōpa arāmi:

—Árĩpehrerire mũ ĩha gojara diaye āhraa. Eropiro gũa mũre eropa arĩdiro dopa ta eropa waroca. Mari Opũ Goãmũ ĩgu yare weremũhtarāre masicũ iigu āhrimi. ĩgũpũ dohpaguere yũre ĩgu yagũ anyure obeomi ĩgu pohro majarāre masicũ iibu. Pũhrũ maja dohpa waborore masicũ iibu, ĩgu yũre ĩgu yagũ anyure obeomi, arāmi anyu yũre.

<sup>7</sup>Jesupũ ōpa arāmi:

—Peeque mũa. Merogã dũhyaa yũ dujariboro. Ipũ maja weremũhtarire tarĩnũgabirĩnirā mucubirĩrā árĩrācoma, arāmi Jesu.

<sup>8</sup>Yũhũ Ñu i árĩpehrerire yũ goja aĩrare peeabũ. Eropigu irire ĩhabũ. Eropigu yũ peera pũhrũ, yũ ĩara pũhrũ yũre ĩhmudigu anyu pohro merejarabũ umupeobu. <sup>9</sup>Yũ eropa iicũ ĩagũ ōpa arāmi yũre:

—Yũre mereja umupeobita. Mũ iro dopa ta yũ sã Goãmũ pohro majagũ ta āhraa. Mũ acawererā Goãmũ yare weremũhtarā, árĩpehrerā ipũ maja dorerire iirā sã erā árĩro dopa ta yũ sã Goãmũ pohro majagũ ta āhraa. Eropigu Goãmũpũre mereja ĩgũre umupeoque, arāmi anyu yũre.

<sup>10</sup>Eropigu ōpa arĩ werenemoami yũre:

—Ipũ mũ goja aĩrapũ pũhrũ maja dohpa waborore werea. Eropa waboro merogã dũhyaa. Eropa árĩcũ ipũ wererare dibubita mũhũ. <sup>11</sup>Irisubu yũ wererisubure ñerāpũ eropa iiniguicoma ñerire. Ōarāpũ ōaro iiniguima. Eropirā erāpũ ñeri marirā árĩrācoma, arāmi yũre anyu.

<sup>12</sup>Ōpa arāmi Jesu:

—Peeque m̄ua. Merogã duhyaa yu dujariboro. M̄uare yaharãre yu wajayeborore aĩgãribu iiaa. Eropigu òarire m̄ua iira waja m̄uare òaro iigura. <sup>13</sup>Yũhũ áripehrerire ìhacũnugudigu àhraa. Eropigu áripehrerire pehrecũ iibu àhraa.

<sup>14</sup>“Áripehrerã guhrari mariri suhrire sañanirã áriro dopa ta erã ñeri iirare coenirã iri macaguere ejarãcoma. Eropirã iri maca maja yucu ojocaricũ iiri yucu ðucare barãcoma. Eropirã mucubirirã árirãcoma erã. <sup>15</sup>Iri macague ejabirãpũ òpa àhrima: Ñetariarã, yeea sã, nome mera ñero iirã, ɰma mera ñero iirã nome, masare wejẽrã, goãmarã wéanirãre umupeorã, guyaricurã sã àhrima iri macague ejabirã, arãmi Jesu.

<sup>16</sup>Eropigu òpa arĩnemoami Jesu yũre:

—Yũhũ Jesu yahagu anyure obeobũ m̄uare yaharãre ipũ majare werebure. Opũ Davi árituriagu pãrami àhraa yũhũ. Yũhũ boyomuririduru iro dopa árigũ m̄uare òaro áricũ iigu àhraa, arĩ werenemoami Jesu.

<sup>17</sup>Espĩritu Santo Jesure “Dujarique,” arĩmi. Jesu yarã sã igũ mojoto diribo dopa árirã, “Dujarique,” arĩma. Áripehrerã erã “Dujarique,” erã aricũ peerã sã, “Dujarique,” arĩporo Jesure. Ñemesiburã decore erã turaro gamero dopa ta Goãmũ pohrogue wadiarã Jesure turaro gameporo. Igũ ojocaricũ iiri deco iro dopa àhrimi. Igũ gamerãre waja gamero marĩro ɰmarogue erã eropa áriniguiçaborore ogucumi Goãmũ.

<sup>18</sup>Yũhũ Ñũ áripehrerã ipũ maja wererire, Goãmũ yare weremũhtarare peenirãre òpa arĩ m̄uare guhyadiaro mera weregũra. I buheri mera gaji buheri mera moresũ werenemorã Goãmũre tarinũgarã iima. Erã eropa tarinũgacũ ìagu áripehreri ipũ igũ dipuwaja moaburire igũ werero dopa ta apigucumi erã sãre. Eropigu eropa erã sãre dipuwaja moagucumi. <sup>19</sup>Eropirã ipũ maja wererire i Goãmũ yare weremũhtarare goroweorã Goãmũre tarinũgarã árirãcoma. Erã eropa tarinũgacũ ìagu ojocaricũ iiri yucu ðucare erãre badoresome. Eropirã Goãmũ mera áriniguisome erã. Eropirã igũ ya macague òari macague wasome erã. Iri yucure, iri maca sãre ipũ mera erã wererague àhraa.

<sup>20</sup>Áripehreri ipũ majare weregũ Jesucristo òpa arĩmi.

—Eropa ta àhraa. Merogã duhyaa yu i yebague dujariboro, arĩmi igũ. Eropigu yũpũ òpa arĩtugũ iiaa.

—Eropa ta iique. Gũa Opũ Jesu dujarique, arãa yũhũ.

<sup>21</sup>Mari Opũ Jesu igũ itamuro mera áripehrerã m̄ua Goãmũ yarã òaro árique. Eropa ta árirã. Iripẽta àhraa.